

學

藝

齋

文

存

穀藝齋文好三

鄒叔子遺書之六

新化鄒漢勛叔績

寶慶沿革

夫寶慶者禹貢荊州之域也秦爲長沙郡地漢置昭陵縣屬長沙國武帝元朔五年分昭陵爲夫夷都梁二侯國皆屬零陵郡平帝元始五年又分昭陵爲昭陽侯國亦屬零陵後漢仍之但都梁不爲侯國而爲縣耳隋漢昭陵皆屬長沙而元和郡縣志云昭陵漢屬零陵蓋漢末度屬也漢書夫夷屬零陵而續漢書云夫夷故屬長

沙蓋王莽時屬長沙也獻帝末零陵北部都尉治昭陵

吳孫皓寶鼎元年已零陵北部爲昭陵郡分昭陵置高

平

見沈約宋書州郡志

改都梁爲武岡

見元和郡縣志

于是昭陵始置郡

領縣五昭陵昭陽夫夷武岡高平

洪稚子三國疆域志云邵陵郡吳寶鼎元

年分零陵北部置領縣五邵陵都梁夫夷昭陽高平不數武岡而數都梁恐非

晉平吳改昭陵

爲邵陵昭陽爲邵陽而郡亦已邵陵名辟晉文王之諱

也三國志于吳代皆書邵陵者史官追辟非事實其時

復置都梁于漢故都梁東北亦仍置武岡沈約宋書云

武岡晉武帝分都梁立元和郡縣志云晉武帝分都梁

置武岡皆目此也又分邵陵置建興更高平爲南高平

後復曰高平

事皆具宋書

于是邵陵郡移治資北與縣對水

而分治

明一統志建州城在府城北二里隔資水晉邵陵郡治此隨改爲建州

領縣七邵

陵都梁夫夷建興邵陽高平武岡

晉書扁武岡據宋書補陶侃曾爲武岡令

晉有武岡明甚

後改夫夷爲扶沈約曰夫夷漢屬零陵晉屬邵

陵今云扶者疑是辟桓彝諱去夷夫不可爲縣故爲扶

云宋邵陵郡領縣七邵陵武剛建興高平都梁邵陽扶

齊邵陵郡徙治都梁領縣七都梁邵陵高平武剛建興

邵陽扶梁邵陵復治邵陵之資北亦與縣對水而分治

水經注云縣治郡下南臨大谿大谿卽資水也又云水
徑其北謂資水徑縣北也卽是足已明郡縣對水分治
矣時已辟大子綱諱改武剛爲武强又改扶爲扶陽而
徙治于漢故夫夷東南梁末陳初省邵陵入邵陽而巳
邵陽爲郡治又省建興武强入都梁省高平入邵陽輿
地廣記于宋後隨特言省邵陵等四縣卽此隨平陳廢
邵陵郡而并都梁夫夷二縣入邵陽又徙邵陽于邵陵
故城卽今治見舊唐書于是僅置邵陽一縣屬潭州煬帝末
陷于蕭銑元和郡縣志隨末陷于寇盜卽蕭銑也銑自己梁宗室復梁舊

制置建州于資北

舊唐書云置建州于邵陽指隨邵陽也

復邵陵建興又

置武攸治今城步

即武岡見輿地廣記

復改建州曰南梁州唐武

德四季平蕭銑一仍其制但更武攸爲武岡七季仍省

邵陵入邵陽省建興入武岡

見新舊唐書

而武岡仍治今城

步貞觀十季更南梁州爲邵州徙治資南州縣始同城

而治于是邵州領縣二邵陽武岡天寶元季更爲邵陽

郡乾元元季復爲邵州五代晉天福中改邵州爲敏州

邵陽爲敏政漢天福中仍爲邵州邵陽縣宋迨武岡于

東北即今治熙寧五季收復梅山地曰上梅山置新化

元豐二年呂谿洞徽州爲蒔竹縣皆隸邵州尋廢蒔竹
崇寧二年復置蒔竹五年升武岡爲軍呂蒔竹屬焉其
年改臨口柴爲臨岡縣于是武岡軍領縣三武岡蒔竹
臨岡蒔竹後改綏寧邵州則領縣二邵陽新化大觀元
年邵州自中郡升望郡紹興十一年綏寧縣遷治武陽
柴二十五年還舊治省臨岡縣入焉其年又于漢夫夷
故縣之水頭邨夫夷江北立新寧縣隸武岡軍寶慶元
年呂理宗潛藩升邵州爲寶慶府淳祐六年升寶慶軍
節度元至元十二年立寶慶安撫司十三年立武岡安

撫司十四季改寶慶安撫司爲寶慶路總管府升武岡
安撫司爲武岡路總管府寶慶路領縣二邵陽新化武
岡路領縣三武岡新寧綏寧明洪武元季改寶慶武岡
皆爲府三季改綏寧屬靖州九季降武岡爲州省武岡
縣入焉領縣一新寧隨州皆屬寶慶于是寶慶府領邵
陽新化又領武岡一州武岡州領縣一新寧宏治十七
季召武岡之城步巡檢司置城步縣析綏寧地召益之
隸寶慶府 本朝仍明舊寶慶領縣三邵陽新化城步
州一武岡武岡州領縣一新寧後改隸府乾隆三季召

城步隸靖州七季復隸寶慶于是領州一武岡縣四邵陽新化新寧城步舊時憲綱邵陽武岡新化新寧城步今新化升于武岡之上云兩漢長沙零陵皆隸荊州吳始置邵陵郡亦隸荊州晉初隸荊州後置湘州則隸湘州宋齊梁陳皆隸湘州隨廢郡而邵陽縣隸潭州唐邵州隸江南道湖南觀察使宋隸荊湖南北路湖南路安撫使元隸湖廣行中書省湖南道宣慰司明隸湖廣省下湖南道 本朝康熙三季分置湖南布政司寶慶隸焉

自漢曰來寶慶凡置郡二縣十其故城之可攷及見
爲府州縣者凡十有四而陳湘東郡之新城宋之谿
洞中勝州雖杜府竟皆不數焉晉宋梁邵陵郡一也
昭陵邵陵唐邵陽二也昭陽晉邵陽三也漢都梁吳
武岡四也建興五也晉都梁六也唐武岡明城步七
也漢夫夷八也宋新寧九也高平十也宋新化十一
也見新化十二也見新寧十三也見武岡十四也晉
宋梁故邵陵郡杜今邵陽北二里卽隨建州城亦卽
白公城案吳昭陵郡治昭陵城卽今邵陽城也晉宋

治邵陵之資北齊始迄都梁見齊書梁則仍治邵陵
資北曷已知之蓋有三證焉水經資水東北過邵陵
縣之北注云縣治郡下南臨大谿水徑其北謂之邵
陵水夫大谿卽資水之別名也旣曰南臨矣又曰水
徑其北不相反乎細究其證蓋南臨大谿者謂郡而
水徑其北者謂縣六朝時郡縣不同城而治者不一
而足此亦其一也酈善長與梁同時故知梁之邵陵
郡自都梁而迄資北證一也輿地廣記曰邵陽漢舊
曰昭陵晉改曰邵陵宋因之後省入邵陵郡夫邵陵

之縣晉宋齊三志皆有而梁晉本紀亦見之則其省
當杜梁陳之際惟其與郡近故省入焉又已知梁邵
陵郡治邵陵之資北證二也明一統志云白公城杜
寶慶府竟內白公楚大夫白善也又云建州城杜寶
慶府城北二里隔資水晉邵陵郡治此隨改爲建州
後遂泊水南今府治是也舊寶慶府志云建州故城
杜縣北二里隨置建州于此唐遂置邵陵舊治夫建
州之置隨書不言惟舊唐書言之蓋隨末蕭銑所置
蕭銑自謂梁室之後制度一仍梁舊隨廢邵陵郡銑

故矯之而置州亦已復舊也則其立治亦必循梁之
舊銑置郡杜資北則梁之郡治必杜資北又明矣證
三也漢昭陵晉改邵陵隨改邵陽蕭銑及唐初改邵
陵武德末改邵陽卽今邵陽城也元和郡縣志云邵
州漢爲昭陵縣吳分置邵陵郡

本或奪
陵字非

今州是也舊

唐書云邵陽漢昭陵縣後漢置昭陽晉改邵陽隨平
陳迺于今理由是已言則隨唐之邵陽邵州卽漢昭
陵晉邵陵也自唐已來邵州治未改則今邵陽卽隨
唐邵陽也又已水經及注證之亦足已明漢昭陵杜

今邵陽城漢昭陽晉邵陽杜今邵陽東五十里桐江北縣塘續漢書注云荊州記昭陽東有余水水經注曰雲泉水出永昌縣雲泉山西北流徑邵陽南縣故昭陽也雲泉水又北注邵陵水邵陵水卽資水之別名也輿地廣記曰邵陽本昭陽晉武帝改焉屬邵陵郡宋因之後并邵陵入而邵陽爲郡治隨郡廢屬湘州方輿紀要云昭陽城杜寶慶府東五十里後漢析昭陵置晉武改曰邵陽今邵陽東五十里縣塘猶存昭陽故縣址杜桐江之北桐江卽雲泉水而余田正

直其東南卽余水歐陽氏言并邵陵入而邵陽爲郡
治者蓋據梁陳之際而爲言由是呂攸之則自晉及
陳之邵陽皆杜今邵陽東也漢都梁吳武岡杜今武
岡東北五里元和郡縣志云武岡本漢都梁縣吳寶
鼎元年改爲武岡縣因武岡得名由是言之是漢都
梁卽吳武岡也今武岡西二十里有都梁山北五里
有同保山卽武岡而都梁故城咸與之相近則其說
崔矣晉及陳都梁杜今邵陽西百十里桃鰲坪晉及
陳建興杜今武岡東北九十里堯王城北吳旣改漢

都梁爲武岡矣晉置武岡又置都梁則晉之都梁不
仍于漢可知水經注敝資水所過先徑武岡南次建
興南次都梁南則都梁更杜建興之東明矣宋邵陽
有西縣柴始曰舊縣而居西方得名今其柴故址杜
邵陽西百里與桃萼坪近桃萼坪杜邵陽之西資水
之北東南至夫夷水口尙七十里曰形甄攷之當卽
水經注之都梁也宋書州郡志云建興晉武帝分邵
陵立舊唐書地理志云武德七年省建興入武岡則
建興當杜邵陵武岡之間寶慶府志云建興廢縣杜

武岡東北今堯王城杜武岡東北九十里尙有城址
但杜資水之南蓋齊梁時本杜北岸或曰卽今高沙
市去資岸二十里當堯王城北今所好者蕭銑之基
耳唐武岡卽今城步縣元和郡縣志云邵州武岡縣
東北至州四百二十里自今武岡至邵陽僅一百七
十里惟自今城步至邵陽乃四百二十里里數適合
證一也元和郡縣志云都梁山杜武岡縣東北一百
三十里今都梁山杜今武岡西北僅二十里而于城
步則杜東北百二十里證二也王昌齡詩云沅水通

波接武岡柳宗元武岡銘云巫水之嶓黔山之巘巫
黔皆城步近城山水證三也城步杜宋卽有城步柴
步者水陸湊會之名城者言有故城也故城卽城步
南城見方輿紀要一名諸葛城蓋諸葛者故之雙聲
疊均也已足而證之驗見唐武岡杜今城步蓋唐末
宋初始遷今治漢夫夷杜今邵陽西六十里梅州後
漢書注云扶夷故城杜今邵州武岡縣東北輿地廣
記云夫夷故城杜武岡東北明一統志云夫夷城杜
武岡州城東北二百四十里漢爲縣長沙定王子義

封夫夷侯國于此今案梅州適當武岡東少北爲里亦二百四十又杜夫夷水入資之次與水經所敘悉協其爲漢夫夷故城無疑而康熙寶慶府志武岡州志皆云夫夷故城杜武岡州東南二百四十里武岡東南二百四十里當入東安全州迥非寶慶之地蓋譌志者引一統志舊文而己意改北爲南不可爲較要也梁扶陽故城卽宋新寧城也杜今新寧東二里今新寧東十五里有扶陽山又新寧之地舊號扶陽鄉其爲梁扶陽之故地無疑而其地適當武岡之南

少東斷非扶夷之杜武岡東北者近人不知漢夫夷
梁扶陽之不同合而爲一顛矣戴震校水經注改扶
陽爲扶夷亦失之高平杜今新化南百里宋新化故
城杜今新化北八十里白谿白石坪陳湘東郡新城
縣杜今邵陽東九十里案隨書衡陽縣舊置湘東郡
平陳郡廢并省臨蒸新城重安三縣入焉唐書地理
志衡陽武德七季省重安新城二縣入焉又攷宋書
齊書皆無新城則新城當置于梁陳之際而蕭銑復
之耳寶慶府志云吳置蓋涉新平新寧而誤非矣宋

中勝州本舒氏谿洞州杜今武岡北油陂若宋臨岡
故城則杜今靖州臨口蒔竹故城則杜今綏寧蒔竹
邨舊時志或曰爲杜武岡新寧者失攷方輿紀要曰
武陽城杜新化路陵杜邵陽亦失之

安順沿革

安順者禹貢梁州江外之南域

胡牖明禹貢錐指云梁南自宜賓曰西至會川

諸州縣凡杜瀘水馬湖江之北者皆梁域案牖明之意曰
亦山諸州縣凡杜大江之北者皆梁域案牖明之意曰
禹貢黑水有二而謂梁州之黑水即瀘水故其說如此
然實支離而背于古不可用也禹貢之黑水或曰爲瀾
滄或曰爲潞江或曰爲大金沙江三水者皆入南海曰
先儒之說夢之瀾滄潞江皆非黑水則黑水其爲大金

沙江乎經曰導黑水至于三危入于南海又曰黑水西
河惟雍州又曰華陽黑水惟梁州是黑水出離州之西
至三危經梁州之西入于南海也地記曰三危杜鳥鼠
之西南而當嶺山又杜積石之西南當黑水祠黑水出
其南脅水經注引山海經曰三危杜敦煌南與嶺山接
山南帶黑水鄭康成尙書注云案漢書地理志益州滇
池有黑水祠而不記水之所杜卽今中國無之矣案漢
代永昌郡竟渡瀾滄越類水類水卽潞江也鄭云卽今
中國無之則黑水杜瀾滄潞江之外故知其爲大金沙
江也攷今星宿海杜巴顏喀喇山東北三百里巴顏喀
喇山偏西二十度極高三十五度卽古之積石也四川
邈外九里古拉達罕山卽茂州之鐵豹嶺古嶺山也偏
西十四度八分極高三十二度七分三危卽今衛地衛
地于積石鳥鼠皆爲西南于嶺山爲正西又遙直敦煌
之南少西而大金沙江經其南則大金沙江爲黑水無
疑今青海及衛地爲離州之西南埜故曰黑水西河惟
離州今喀木金川爲梁州地故曰華陽黑水惟梁州晉
地道記曰梁州南至桓水西抵黑水東限扞關自桓水

呂南爲夷書所謂和夷底績也禹貢和夷底績鄭注曰和上夷所居之地和讀曰桓地理志曰禹貢桓水出蜀郡蜀山西南行羌中入南海案桓水爲晉梁州之南岍其原遙直漢蜀郡之西而南行入南海非今之潞江韻足呂當之晉時永昌郡析地數千里事見華陽國志故漢代中國無黑水而大康之梁州曰黑水爲西岍也由是呂言則凡今之雲南南掌緬甸皆梁州南塋之地貴州固杜其中矣肫明畫江爲限毋乃小乎于職方爾雅蓋屬荊州禹貢雖指云周無梁州先儒多言梁而林少穎又云江漢發原梁州而職方爲荊州川則荆亦兼梁地此言尤爲精核由肫明此語思之今貴州爲商周荆西春秋時有牂柯國六國時有夜郎國今安順裔尤雀

蓋居二國之交

管子小匡篇云桓公曰余樂車之會三

吳越已牂柯賑不庾雕題黑齒之國莫違寡人之命注皆南夷國號是齊桓時已有牂柯國也史記西南夷君

長曰什數夜郎最大後漢書西南夷傳楚頃襄王遣將
莊豪從沅水伐夜郎軍至且蘭櫟船于岸而步戰滅夜
郎是夜郎國六國時已有也夜郎國都杜牂柯江上見
史記漢書牂柯江可通番禺即今南盤江晉宋夜郎郡
治夜郎縣即古之夜郎國去寧州千里見宋書合而攷
之夜郎即元之桑州郎保今爲桑郎甲渡邑亭實杜今
貞豐州東南羅斛西南牂柯即且蘭杜夜郎東亦臨
牂柯江上即今羅斛之稿里元時之光蘭州方輿紀要
所云廢定遠府杜定番州南二百二十里者也二國之
竟土其南畔蓋已濛江滴澂爲東西盼其北畔蓋已烏
江爲南北盼安順適居二國之閒也今之清鎮安平歸
化之東竟及府屬安順舊州之地蓋屬牂柯府屬及普
定安平之西保郎岱鎮寧永寧歸化之西壤蓋屬夜郎
而郎岱即古之郎山夜郎所由得名已此夜山杜普安
應興義府盼爲牂柯後改且蘭楚莊躋滅二國自王于
二盤之分山也

滇而分侯其支黨于是有夜郎侯牂柯君皆姓莊氏其

時安順地仍分屬于二國焉

華陽國志云莊蹻泝沅水出且蘭已伐夜郎植牂柯

係船于是且蘭既滅夜郎又降而秦敍楚黔中地無路得返遂畱王滇池已係船故因名且蘭爲牂柯國分侯支黨案牂柯之爲國名見于管子不因莊蹻而起故近人多疑常氏此言之繆然實不繆也蓋牂柯者本係船之兩種牂牂侶羊頭柯如斧柄故異物志曰牂柯係船牂也又南盤江水中有一山侶牂柯因名爲牂柯江故水經注曰牂柯亦江中一山名也左思吳都賦云吐浪牂柯又曰漢武帝伐南越發夜郎精兵下牂柯江同會番禺卽其江矣國處江上因曰江名名國則管子所傳是矣自管子之後至于莊蹻之荷其國蓋改名且蘭故史記漢書華陽國志皆云莊蹻出且蘭已伐夜郎也至莊蹻王滇曰故且蘭國竟內有已係船牂牂柯處欲旌其伐復改爲牂柯故水經注曰楚將莊蹻名且蘭爲牂柯也由是而言則常道將之言可資攷證而不繆莊蹻泝沅水掾牂柯舍舟步戰處蓋杜今清平之都蘭渡都蘭卽且蘭之轉語且蘭之且有苴沮二音皆近都也

秦開五尺道置吏南中有且蘭夜郎二縣因國而置縣

不廢其君長也其時牂柯葢復改名且蘭矣秦以二縣

皆廢

史記西南夷傳曰秦時常頽略通五尺道諸此國頗置吏焉十餘歲秦滅及漢興皆棄此國而關蜀

故微漢書略同華陽國志云秦并蜀通五尺道置吏主之漢興遂不賓史記正義曰括地志五尺道杜郎州大

平寰宇記云唐播州夷州費州莊州卽秦且蘭夜郎之西北隅又牂州建安縣有古夜郎城據樂氏此言是秦

有且蘭夜郎二縣所謂諸此國頗置吏焉者也唐書夷州寧夷縣武德四季析置夜郎縣貞觀元季省今石阡

府西葛彰司西六十里有故夜郎城卽其址亦卽樂氏所云建安有古夜郎城者葢秦舊縣也元和郡縣志寧

夷縣西北至夷州一百九里夷州西南至播州二百四十里東至費州三百里播州東北至費州四百里費州

西南至播州四百里由是言之夷播正直古夜郎之西北而費則直其北微東三州連壤舉其多者言之故仍

日西北也莊州杜今定番北四十里秦且蘭始卽唐之清蘭杜今大塘于莊州爲東南故樂氏曰莊州爲秦且蘭西北隅也秦夜郎且蘭二縣各就其竟內地置吏不正杜其國都也漢武建元六年開

西南復置夜郎且蘭二縣屬犍爲郡元鼎六年且蘭君反是年討平之遂置牂牁郡領縣十七其一曰故且蘭卽且蘭更名爲郡治其七日談指蓋分夜郎曰置于是

今安順竟內無漢夜郎縣地矣後漢牂牁郡領縣十六

故且蘭爲郡治談指屬牂牁

續漢書郡國志曰談指出丹注引南中志曰有不津

江江有瘴氣案南中志又云晉元帝世刺史王遜分夜郎曰南爲夜郎郡領夜郎談指二縣則夜郎談指宜相近也夜郎旣爲今貞豐之渡邑亭矣與之相近而有瘴氣之地惟歸化永寧外六馬近之則不津江卽歸化之

濛渡河明矣濛渡河下流至羅斛桑郎爲桑郎河又至
渡邑入于南盤也又案唐有珍州治武侯縣當杜今永
寧州東六十里諸葛營側又有珍川縣當杜今貞豐東
南羅炎塘珍郎談之轉北盤江往古蓋名珍水白水河
入北盤爲珍川之別原如駢枝然故其側曰談指也若
是則今安順晉定鎮寧永寧歸化皆談指地明甚南中
志舉郡畛如云盤南雲南營畔盤雲營皆山水名此云
夜郎曰南夜郎應亦山名也南榦龍自郎岱麻西王歡
喜曰至濛渡之原皆郎山二盤之分山自楊那曰東南
麻魯溝之西岸皆夜山今安順泗城二府及羅斛西畔
貞豐興義南坐皆
晉宋夜郎郡地
三國時蜀漢牂牁郡領縣七故且蘭
談指屬焉
洪雅梓三國區域志牂牁郡漢置蜀
漢領縣七且蘭漢舊縣談指漢舊縣
晉初增
置并渠縣蓋大康四季牂牁二千餘落內增已其地
置于是今安順竟內無晉且蘭縣地矣其時牂牁郡領

縣八并渠談指皆屬焉永嘉五年析朱提郡漢陽縣建
寧郡漏江縣郎山南地曰益談指始置夜郎郡談指屬
焉改并渠爲廣談仍屬牂柯江左分談指之北竟置談
樂縣屬夜郎郡而廣談縣亦自牂柯改屬于是今安順
竟內地咸屬晉夜郎郡矣晉書地理志牂柯郡縣入其
三日指談其六日并渠案指
談卽談指之譌并渠蓋卽明之平霸今安平是也華陽
國志牂柯郡縣四其三日廣談夜郎郡縣二其二日談
指案廣談當卽并渠之更名東晉疆域志夜郎郡縣四
其二廣談沈志偶晉入康地志屬牂柯其三談樂沈志
江左立其四談柏漢舊縣屬牂柯郡案晉書地理志作
談指沈志又作談柏當屬字誤案晉書無廣談而有并
渠華陽國志有廣談之設已久其爲并渠所改明矣廣談自

牂柯改屬其地必居夜郎郡之東則平霸近之此又足
言明并渠即廣談也談者珍水近側之地名于其東斥
廣之故曰廣談也談樂蓋即析朱提郡漢陽建寧郡漏
江舊地所置其地久為談側之樂土故曰談樂也已今
輿地論之永寧歸化為談指鎮寧郎岱為談樂安順普
定為廣談其安平清鎮之地則為并渠蓋亦并屬廣談
也宋齊梁仍之宋書州郡志寧州夜郎太守晉懷帝永
寧立領縣四其二曰廣談長晉大康地志屬牂柯其三
曰談樂長江左立其四曰談柏長漢舊縣屬牂柯齊書
夜郎郡夜郎談柏談樂廣談案談柏即談指之譌洪
稚杲已言之梁書無地理志其制多因于宋齊也梁

陳之際爨氏竊有寧州遙屬于周夜郎郡為烏蠻盧鹿

部所據而牂柯謝氏為陳守

貴州紀年曰梁泰清二年寧州刺史徐文盛勤王寧

州空虛諸郡多為爨氏所據惟牂柯平夷南陽三郡為梁守夜郎郡荒廢東徙于辰陽夷書曰齊梁之際爨氏

世有寧州臺城陷沒爨氏遂自爲刺史不朝貢中國斥
之爲爨蠻昆明世役屬于州郡故爲爨氏所用亦號爲
烏蠻爨氏旣竊寧州東方平夷牂柯諸郡各保竟不與
通烏蠻阿納者悶畔君勿之少子徙尻于南廣之鹿里
今鎮雄是旣而疆盛乃帥其部族沿延江東侵至鬱之
夾水保焉今鴨池汛是已而入晉樂夷語謂之更梗卽
今貴陽也又西南馳至都雲洞夷語謂之租義少畱其
部族尻焉阿納之仲兄輪尻談樂之郎山是爲郎岱隴
氏之祖叔兄台尻漏江之濮隈是爲普安龍氏之祖皆
弱小依納弓立納又使其少子必松尻播隈漢曲也夷
語謂之扒瓦于是部族轉盛西南至于竹子嶺世謂之
盧鹿部又云漢後主時牂柯中普里獠叛濟火受後
主命討平之火旣平普里令其伯父克之子長之是爲
鹵氏太宗夷語謂宗爲主而噉主爲革噉普里爲白勒
故謂普里諸鹵爲白勒大革案如諸書所言則梁陳其
之閒夜郎之談樂及廣談之普里皆爲盧鹿部所有其
後謝氏漸收復夜郎之地而談指廣談談樂始屬謝氏

隰廬鹿部之據郎山晉里者如故也隨置牂州領牂柯賓化二縣謝氏郎山晉里咸屬賓化唐太宗貞觀四季牂柯謝氏內附于是已三談之故地置珍州爲下州領縣七曰武侯在今永寧東關嶺城南諸葛營側曰望江在今晉定南王二河側曰降昆在今鎮寧火烘哨曰珍川在今貞豐東南羅炎河皆談指故地也曰始安在今西保故談樂地也曰懸江在今安平邗江側故談樂地也曰來南在今安南故漏江地也其時晉里廬鹿亦納土又置晉寧州爲羈縻州二州及諸縣之長皆令其部

族世守之

唐書黔府諸羈縻州五十一其二曰珍州貞觀四年置縣五武侯望江應江始安東南貞

觀中又領降昆珍川二縣後省其三十三曰普寧州舊

唐書珍州領縣四案東南不當名縣宜从浙本元豐九

域志作來南爲是來南者尻來水之南也來水卽漏江

今偶安流河流亦漏來之轉舊書云領縣四校新書少

一縣核舊書于領縣四之下不詳諸縣之名今亦不知

少何縣矣珍州舊記不言所在攷唐書高宗本紀永徽

元年十二月庚午珍州獠寇邊梓州都督謝萬歲歿之

南蠻傳云高宗初珍州獠叛梓州都督謝萬歲充州刺

史謝法興黔州都督李孟嘗討之萬歲法興入洞招慰

遇害通鑑永徽元年十二月庚午梓州都督謝萬歲

州都督謝法興與黔州都督李孟嘗討珍州叛獠萬歲

法興入洞招慰爲獠所殺胡三省注云梓州當作牂州

武德三年牂柯蠻酋謝龍羽降已其地置牂州充州當

作充州武德三年已牂柯蠻別部置珍州亦謝蠻州貞

觀四年置皆屬黔州都督府貴州紀年云三省所注俗

矣嚙尤未盡也攷元和郡縣志及唐書地理志永徽初

有黔州都督府有莊州都督府而莊州都督爲蠻府都督雖竝稱都督而統轄于黔府若牂州充州則無都督謝法興當以唐書作刺史爲是通鑑蓋誤是時梓州雖有都督嚙去此頗遠當爲莊州之誤莊州爲南謝亦謝氏所有也據諸書所言則珍州亦謝氏而近于莊充充杜今石阡莊杜今定番充之西爲牂其南爲應號東謝西南爲莊號南謝若其北其東則夷費契諸州爲內地非謝氏所有環充皆有州縣其間不能容領七縣之大州則珍州不鄰充而鄰莊審矣莊州諸縣爲明龍新清興諸衛及定番而其北爲唐之牂矩二州則珍州又必杜其西明矣是則唐之珍州必爲今安順無容置議也況晉宋之談指廣談談樂皆已談爲名談珍音近則唐之曰珍名州必洽于三談又可定矣反覆推求王二爲望之反語邢爲應之近轉來爲漏珍爲炎或雙聲或疊均其水杜于安順習安爲始安之對音降昆降音下江反昆音混則火烘和宏爲其雙聲其地杜于安順諸葛入南戰于漏江之南戰于槃東見水經注漏卽拖長江槃卽北盤江今諸葛營杜關嶺之南與槃東之文協唐

曰武侯名縣始是諸葛之遺蹤則其事又杜安順本斯
三閒曰揣地定向珍非安順莫屬矣普里本廣談之里
名夷書謂之衆衆格又謂之白勒大革白勒則普里之
轉唐置州爲普寧寧里雙聲蓋取其雙聲曰爲美名唐
州郡互僞普寧州亦僞普寧郡及五代有普露靜王則
又普寧郡王之轉里寧勒露字雖有四地則一也明置
普利驛利貞觀後省珍川降昆二縣元宗天寶三季降
里亦音近

珍州爲羈縻州唐時又置蠻州清州今安平清鎮亦其

地唐中葉封普里部長爲普寧郡王

舊唐書云德宗貞元十三季正月蠻

州刺史求入朝訴于黔中經略招討觀察使王巖處爲
之奏云西南番大酋長正議大夫檢校蠻州長史繼襲
蠻州刺史資陽郡公賜紫金魚帑宋鼎左右大首領朝
散大夫持檢校邛州刺史賜紫金魚帑謝汕左右大首
領繼襲蠻州巴江縣令賜紫金魚帑宋萬傳盼首子弟
大首領朝散大夫牂州錄事參軍謝文經持件刺史建

中三季一度朝貢自後更不許隨例入朝今季懇訴
州接牂柯同被聲教獨此排擯竊自慚恥謹遣隨牂柯
朝賀伏乞特賜優諭兼同牂柯刺史授官其牂柯州每
戶口殷盛人力彊大鄰側諸番悉皆敬憚請比兩州每
季一度朝貢仍依牂柯輪環差定并召才幹位望爲眾
推者充敕旨曰宋鼎等已改官訖餘依舊唐書曰建中
三季大酋長檢校蠻州長史資陽郡公宋鼎與諸謝朝
賀德宗曰其國小不許訴于黔中觀察使王巖曰州接
牂柯願隨牂柯朝賀巖奏牂蠻二州戶餘力彊爲鄰番
所憚請許三季一朝詔从之案此文新舊二書互有出
入當从舊書爲是但舊書亦有可疑處如云牂柯兩州
攷舊書地理志有牂州無牂州新書地理志牂州武德
三季置四季改柯州後復故名則柯州卽牂州也而此
云牂柯兩州侶實兩州也又案請比牂柯每季一度朝
貢其事實杜貞元十三季而非建中三季建中三季者
實其入朝之季而非請朝之季敕旨云餘依舊是依不
許隨例入朝之舊非詔从之也此實新書之誤此處新
舊二書皆有誤細核之新書爲作者之誤舊書乃傳寫

之誤此亦新書遜舊書攷唐之蠻州杜今開州西同知衙邛州地理志作功州杜今貴鎮西北之穀里畝首有二一杜安平東北二十二里此蠻州之西畝也一卽垂西杜今開州北此蠻州之東畝也與牂州接巴江杜貴陽府東北巴香里由是言言之則今之開州修文清鎮及貴鎮之穀上穀下安平之柔東皆蠻功二州之地唐書黔府羈縻州五十一其十四曰清州五代史記四夷埤錄云牂柯其首領姓謝氏其名見于唐書天成二年嘗一至其使者曰清州入郡刺史宋朝化冠帶如中國太平寰宇記云南寧州本清谿鎮唐置杜黔州西南二十九日行從南寧州至羅殿王部落八日行與雲南接畝日充州日珍州日健州日莊州日明州日牂州日矩州日清州凡九州每季朝貢自柯州襲州義州日下凡四十四州洞內羈縻而已案元史順元安撫司有曾竹等処長官宋阿重曾爲其長官曾竹卽清州之語轉猶之貴竹爲矩州也明之威清衛蓋曰威清州得名故尻曾竹之北曾竹語轉又爲曾周謂之曾周馬場也地與安平九十九隴鄰幸權地形今安平之蔣所後所左

所鎮寧之蒙楚枝普定之克坐場廣順之曾周馬場安順府之巖孔諸柴清鎮之威清衛故地皆唐宋清州之壤也五代仍唐舊後唐時有普露靜王卽普寧郡王之譏也夷書謂之播勒大革又偁白勒大革又謂之糸糸格北宋及南宋初尙有州名宋末州名漸泯珍川降昆于唐時已爲羅殿王所有宋又爲之置和武州而珍州爲普里部所并矣清州蠻州則宋氏世守之

宋史地理志
紹慶府本黔

州黔中郡羈縻州四十九其四曰清州其七曰蠻州其十八曰普寧州其四十六曰和武州而無珍州九域志夔州路化外州有珍州領武侯望江應江始安東南五縣東南浙本作來南又羈縻州四十九其四曰清州其七日蠻州其十八曰普寧州其四十六曰和武州文獻通攷偁羅殿王國押馬者爲和武州節度謝番攷珍川

降昆二縣于珍州爲極南之疆而唐宋之羅王國爲今
開亨之羅番甲貞豐之羅王亭珍川近羅王國始唐中
葉時已爲所并降昆本謝氏地亦必于唐中葉爲羅王
所役屬故唐書言此二縣皆省于唐時也隸宋時降昆
語誤爲和武羅王部族轉盛使其所屬貢獻請命于朝
故宋爲之置和武州而其酋則仍謝氏故馬氏偶和武
州節度謝番也其珍州宋史地理志及元憲宗七季普
南蠻傳咸不之及殆已并于普里部矣
里內坌置普定萬戶尋改爲府隸雲南曲靖宣慰司世
宗至元二十七年湖廣八番羅甸宣慰司脅普定土官
矣資之子札哇希古及雜夷阿卜阿牙者屬其司請別
置羅甸安撫司已邀功于朝朝廷許之二十九季雲南
行省奏罷焉成宗大德七年改普定府爲路仍屬曲靖

宣慰司順帝至正十一季置縣一曰普定州四曰安順
曰達安曰和宏曰習安安順州所領有寧國柴達安州
尋改爲永寧州所領有募役柴頂營柴和宏州治羅黎
柴所領有十二營柴康佐柴習安州治西保柴皆隸普
定路而順元安撫司又有曾竹等處新添葛蠻安撫司
又有平普樂重塊等處白巖九十九柴蠻蒙楚黑土石
益輪沿邊蠻只鼉柴凡八長官皆杜今安順府竟內
地理志普定路本普里部歸附後改普定府大德七季
改爲路白注云雲南行省言羅甸卽普里也歸附後改
普定府卽信俱孖隸雲南省已三十餘季本紀載此奏
杜至元二十九季正月方輿紀要白注引志云元初置

元史

晉定萬戶尋改爲府至元中又改置羅甸宣慰司于此
二十七季司罷仍爲晉定府領安順永寧鎮寧習安四
州案元史于晉定置府不詳其季今依雲南行省所奏
自至元二十九季上溯三十季爲中統四季云三十餘
季則其置府必杜中統四季之特地理志于晉安路敘
曰元憲宗七季其酋內附命爲于矢部萬戶晉定與普
安連壤其歸附必同季可知又自憲宗七季至至元二
十九季適三十六季與三十餘季之語正合故知爲憲
宗七季也又攷入番羅甸宣慰司至元十六季已置故
阿里海牙傳曰至元十六季降八番羅甸蠻曰其總管
文龍兒入見置宣慰司八番羅甸地理志曰是季宣慰
使塔海曰西南入番羅氏等國戶柴來上其後順元亦
奚不薛皆置宣慰司而入番羅甸宣慰司廢矣至至元
二十一季復立見于本紀尋廢二十六季又立幹羅思
傳及地理志皆言之其季八月癸酉曰八番羅甸宣慰
司隸四川省十月乙卯改隸湖廣省二十八季二月辛
巳復隸四川十月癸未復隸湖廣二十九季正月丙申
有雲南行省之奏三月己酉合八番羅甸宣慰司于順

元改八番羅甸宣慰使幹羅思爲八番順元宣慰使皆
見元史本紀其時宣慰司治杜今定番州不杜晉定也
本紀及地理志皆云雲南行中書省言羅甸歸增後改
晉定府隸雲南省已三十餘季今勐羅甸宣慰安撫司
隸湖廣省不便乞罷之仍已其地隸雲南省制曰可其
言羅甸宣慰安撫司者蓋謂隸羅甸宣慰司之安撫司
也幹羅思蓋于二十七季招札哇等立羅甸安撫司屬
己宣慰司而曲靖宣慰司爭之故二十九季雲南省臣
爲之奏也由是言之則顧氏所引舊志云至元中又勐
羅甸宣慰司于此當作羅甸安撫司二十七季當作二
十九季方合明一統志云永寧州古爲荒服地元始置
永寧州屬雲南晉定路大德間改屬湖廣行省鎮寧州
古爲荒服地元始置鎮寧州屬雲南晉定路安順州古
爲荒服地元置習安州屬雲南晉定路晉定衛古羅甸
國後爲羅鬼犵狫可剌苗民所居號晉里部元初內附
置萬戶尋改晉定府領安順永寧鎮寧習安四州永寧
州募役司元爲募役柴頂營司元爲頂營柴鎮寧州十
二營司元爲十二營柴康佐司元爲康佐柴安順州寧

谷司元爲柴西保司元爲柴方輿紀要云晉定廢縣杜
府治西志云元置縣隸晉定路明初省入安順州又習
安廢州杜西保司北浪伏山下志云元置州于此隸晉
定府明初廢又鎮寧州通志宋爲普東部元于羅黎柴
置和宏州尋改鎮寧州又永寧州元爲達安州夷名打
罕尋改爲永寧州大德中改屬湖廣行省至正中爲廣
西泗城州所并案元置晉定縣安順州達安州和宏州
習安州元史地理志皆不載明史地理志云鎮寧州元
至正十一季四月呂火烘夷地置屬晉定路餘四州縣
蓋亦同時置其寧谷西保十二營募役頂營五司方輿
紀要皆云授土酋西保十二營募役頂營皆羅羅之族
惟寧谷爲顧氏則此諸司必普里之別部可知蓋自普
里侵滅謝氏以來改其武侯縣爲頂營始安縣爲西保
望江縣爲寧谷應江縣爲十二營珍川縣爲募役也寧
谷賦役全書云本爲寧國蓋亦元末之名史志不之及
尙流馳其說于胥吏之口而修賦役全書者筆之于簡
冊耳元史地理志順元安撫司有曾竹等處今貴筑廣
順鎮寧華楚枝之間俗名之爲曾周音之變轉也新添

安撫司有平音樂重塊等處平音卽平霸語轉如此地名平音言其地臨普里可曰平之與威清同意樂重塊卽老樂平城壯平霸西北平霸今安平也白巖今爲大白巖小白巖壯安平西北黑土石卽今大黑土小黑土壯楚枝華離壯安平益輪沿邊蠻九十九柴蠻皆卽今之普定東南忠興里東南只龍卽札哇榦羅思曰土官矣九十九龍壯安平東南只龍卽札哇榦羅思曰土官矣資之子札哇希古地爲羅甸安撫司屬八番羅甸宣慰司今尙稱其地爲八番壯安

明大祖洪武五年普定路

順府東南七十里四起下

女總管適爾及其弟阿讐來朝置普定土府曰適爾爲知府六年設普定府流官二員後旋廢十四年城普定十五年三月置普定土知府屬雲南布政司尋升爲軍民府改屬四川布政司十八年七月府廢普定之置府

也領州四曰安順治今安順舊州曰鎮寧治今火烘哨
曰永寧治今打罕哨曰習安治西保縣一曰普定長官
司一曰頂營府廢習安州普定縣亦隨之而廢曰安順
州直隸雲南布政司頂營長官司屬焉鎮寧永寧二州
則屬普定軍民衛洪武十五年正月置普定衛卽今普
定縣城也屬四川都司三月升軍民指揮司十九年置
寧谷西保十二營康佐募役五長官皆屬安順州二十
五年八月曰安順州隸普定衛而寧谷西保十二營康
佐募役頂營六長官各自隸普定衛而不屬於安順州

英宗正統三年八月改普定衛屬貴州都司曰安順州
直隸貴州布政司而令寧谷西保二長官屬焉其永寧
鎮寧二州亦皆直隸貴州布政司而令十二營康佐二
長官屬鎮寧募役頂營二長官屬永寧宣德中徙永寧
州于關索嶺所與所同治成化中徙安順州于普定衛
與衛同治其後鎮寧永寧二州皆僑治普定先是洪武
二十三年五月置安莊衛治今鎮寧州城二十五季置
關索嶺守禦千戶所屬焉所治今永寧州東世宗嘉靖
十一年六月徙鎮寧州于安莊衛徙永寧州于關索嶺

所皆同城而治神宗萬厯四季又徙永寧州于安南衛
亦同治三十季九月升安順州爲安順軍民府曰鎮寧
永寧二州屬焉又有威清平霸鎮西三衛威清衛者元
曾竹長官之故地後入于水西洪武二十三年六月置
衛平霸衛者元平普重塊長官之故地後入于金筑洪
武二十三年閏四月置衛皆隸貴州都司鎮西衛者本
水西水外六目之地崇禎三年置領守禦所四曰威武
曰赫聲曰柔遠曰定南鎮西治今清鎮北水西之引桀
遮勒也威武所杜衛東治今清鎮東北水西之龍夜也

赫聲所杜衛北治今清鎮北之鴨池水西之化那也柔

遠所杜衛西治今安平北之齊伯房城水西之阿戈也

定南所杜衛西南治今普定北又有樂平所蓋亦同時

置尋廢

明史土司傳洪武五年普定路女總管適爾及其弟阿難來朝遂命適爾爲知府許世襲六季

設普定府流官二員十四季城普定十五年普定軍民知府者額來朝賜米及衣鈔命諭其部眾有子弟皆令入國學十六季者額遣弟阿昌及八十一柴長阿窩等來朝自後普定土知府事不見于傳據此是普定置府杜洪武五年也明史地理志安順軍民府東有元普定路屬雲南行省洪武十五年三月爲府雲南布政司尋升軍民府改屬四川布政司十八季七月廢據此是普定置府杜洪武十五年也明史傅友德梁王把匝剌瓦爾密吳良吳復張翼王銘顧成諸傳咸云洪武十四季克普定康熙貴州通志大事記曰洪武十四季十

二月傅友德兵攻普定擒安鎖羅鬼革獠悉降蓋適爾
納土已置府至安鎖又叛圻于梁王十四季擒之十五
季乃復置府地理志據後事而言之耳又案顧成傳十
七季平阿黑巖師等十餘寨明季奏罷普定府析其地
爲三州六長官司而土司傳自洪武十八季後不復有
普定土知府之事則普里之係絕而府廢明矣明史地
理志安順軍民府元安順州屬普定路洪武十五季三
月屬普定府十八季直隸雲南布政司二十五季八月
屬四川普定衛正統三季八月直隸貴州布政司成化
中徙州治普定衛城萬厯三十季九月升安順軍民府
領州二長官司六寧谷柴長官司府西南洪武十九季
置屬安順州二十五季八月屬普定衛正統三季八月
仍來屬西保長官司府西北建置所屬同上鎮寧州元
至正十一季四月己火煨夷地置屬普定路洪武十五
季三月屬普定府二十五季八月屬普定衛後僑治衛
城正統三季八月直隸貴州布政司嘉靖十一季六月
徙州治安莊衛城萬厯三十季九月屬府領長官司二
十二營長官司州北洪武十九季置屬安順州二十五

季八月屬普定衛正統三季八月來屬康佐長官司州
東建置所屬同上永寧州元巳打罕夷地置屬普定路
洪武十五季三月屬普定府二十五季八月屬普定衛
後僑治衛城正統三季八月直隸貴州布政司嘉靖十
一季三月徙州治關索嶺守禦千戶所城萬厯三十季
九月屬府領長官司二募役長官司州西洪武十九季
置屬安順州二十五季八月屬普定衛正統三季八月
來屬頂營長官司州北洪武四季置所屬同上普定衛
舊在安順州西北洪武十五季正月置屬四川都司三
月升軍民指揮司正統三季改屬貴州都司成化中州
自衛東南來同治安莊衛舊在鎮寧州西洪武二十三
季五月置屬貴州都司萬厯三十季九月州自衛東來
治關索嶺舊在永寧州西南洪武二十五季置屬安莊
衛萬厯三十季九月州自所東北來治又威清衛洪武
二十三季六月置屬貴州都司鎮西衛崇禎三季巳宣慰司水
閩四月置屬貴州都司鎮西衛崇禎三季巳宣慰司水
西地置領所四威武守禦千戶所赫聲守禦千戶所柔
遠守禦千戶所定遠守禦千戶所案安莊衛下云萬厯

三十季九月州自衛東來治與鎮寧州下云嘉靖十一
季三月徙州治安莊衛者互異關索嶺所下云萬曆三
十季九月州自所東北來同治與永寧州下云嘉靖十
一季三月徙州治關索嶺所者互異始寫者涉筆之譌
其鎮西衛則已建置未幾而明入簡開未籽故特多誤
也如云鎮西衛西南距布政司六十里今鎮西衛故城
尙在實在布政司東北百二十里其柔遠則在衛西定
遠則爲定南之誤在衛西南又有樂平所任衛西南蓋
如敷勇之詰戎所旋置旋廢也明一統志云威清衛本
貴州宣慰司地洪武二十一年置威清站屬貴州衛二
十三季改置威清衛指揮使司隸貴州都司安莊衛本
元永寧鎮寧二州地屬替定路洪武二十三年置安莊
衛指揮使司領千戶所一關索嶺守禦千戶所在衛城
南五十里洪武二十一年置關索嶺雞背二保尋廢雞背
入關索嶺二十五季置爲所方輿紀要替定廢縣志云
元置縣隸替定路明初省入安順州習安廢州志云元
置州隸替定府明初廢永寧州下引郭子章黔記云州
初治打罕柴宣德間改建于關索嶺所俗仍謂之打罕

鼎成化三季打罕州土同知韋阿禮作亂調廣西泗城
州土舍岑善忠勦平之卽此萬厯四季又改建于安南
衛志云州西去安南衛三十里倡誤其相去蓋百里案
此二書所云如威清之爲宣慰地安莊之爲元鎮寧永
寧州地永寧州之于宣德中徙治關索嶺萬厯四季徙
治安南衛皆可補正史之闕又夷書云崇禎二季削水
西六目之地曰阿戈地卽安平畛龍爾地卽龍里案里
當爲場之謫龍夜地卽洛陽小蛇場屬清鎮龍夜底飛
地卽修文化那地卽大小化那陳繹云在清鎮引葉遮
勒卽鎮西衛此亦有關於鎮西諸所之沿革又方輿紀
要云安順州屬普定府洪武十八季府廢屬普定衛與
明史云府廢直隸雲南布政司者互異攷其時六長官
咸屬安順州則安順爲直隸州明甚當已明史爲是方
輿紀要于永寧曰府廢屬普定衛于鎮寧曰洪武十四
季屬普定府尋屬普定衛是則洪武十八季二州
已屬普定衛也明史于此不詳此亦可補其闕

朝順治十五季安順及平霸威清鎮西三衛皆入版圖

十六年徙永寧州治查城驛十八年裁關索嶺所康熙
五年故水西宣慰司所屬郎岱土司隴安藩叛討平之
以其地屬安順府十一年改普定衛爲縣屬安順府省
定南所入焉裁安莊衛二十六年改安順軍民府爲安
順府改威清鎮西二衛爲清鎮縣屬安順府省赫聲威
武二所入焉改平霸衛爲安平縣省柔遠所入焉先是
明有普安州舊屬安順府順治十八年平馬乃以其地
置普安縣屬安順府康熙六年改貴陽府畢烏通判爲
貴陽府南籠通判駐普安衛之安南所轄安南安籠二

所尋迢駐安籠十季改貴陽府南籠通判爲安順府南
籠通判二十六季改安南衛爲安南縣屬安順府于是
安順府領通判廳一曰南籠州二曰鎮寧永寧普安縣
五曰普定安平清鎮安南普安五十五季革西保正司
曰其地屬安平雍正五季析安順置南籠府而曰普安
州普安縣安南縣屬焉安順府僅領州二曰鎮寧永寧
縣三曰普定安平清鎮八季設通判駐故威遠城改曰
歸化曰府屬及鎮寧地隸之九季設同知駐郎岱曰府
屬及西保副司地隸之于是安順府領廳二曰郎岱同

知曰歸化通判增郭縣一曰晉定州二曰鎮寧曰永寧

又縣二曰清鎮曰安平至今仍之貴州通志云安順府明安順府及晉定威

清平霸安莊鎮西晉安南諸衛關索嶺赫聲威武柔遠定南新興安南安籠平夷樂民諸所地國朝順治

十八年平馬乃曰其地置晉安縣隸府裁平夷樂民安南關嶺四所康熙五年郎岱土司隴安藩叛討平之十

一年改晉定衛為縣增郭省定南所入縣二十二年省新興所迻晉安縣于所二十六年改威清鎮西二衛為

清鎮縣省赫聲威武二所入焉改平霸衛為安平縣省柔遠所入焉改安南衛為安南縣省安莊衛入鎮寧州

省晉安衛入晉安州迻貴陽通判駐安籠所改為南籠廳俱隸府府裁革軍民字雍正五年改南籠廳為府分

晉安州晉安安南二縣隸焉八年設通判駐歸化九年設同知駐郎岱俱隸府共領州二縣三分駐同知通判

各一晉定縣康熙十一年改衛為縣省定南所入縣革西保正司寧谷司領長官司一西保副司鎮寧州明領

長官司三 國朝因之康熙二十三年革十二營司雍正五年革康佐正司十季呂康佐副司及革康佐正司之地隸威遠通判永寧州明領長官司三巡檢一朝因之領長官及巡檢司四募役司沙營司頂營司盤江土巡檢司安平縣明平霸衛 國朝因之康熙二十六年改衛爲縣省柔遠所入焉清鎮縣明威清衛鎮西衛 國朝因之康熙二十六年改威清爲清鎮縣省鎮西衛及赫聲威武二所入焉郎岱同知明爲土司隴氏地 國朝康熙五年叛平之雍正九年設同知駐其地歸化通判明康佐正副二長官司地又爲府轄之洛河佗魯諸地及貴陽府定番州之新化廣順州之版當諸柴山箐阻澁地 國朝雍正八年設通判駐其地領長官司一康佐副長官又賦役全書安順府親轄地領寧谷西保二長官司並土州五起寧谷十三枝五起原領民田九千五百八十五畝有畸寧谷十三枝原領民田三千二百三畝有畸西保原領民田九畝有畸寧谷司卽寧國司原領民田六千六百八十畝有畸又有龍潭七柴原額田四百九十五畝有畸安國楨原額田二百

五十九畝有畸郎岱原額私田四畝高坡巴落七柴原
額田九十八畝原額道奉科田一千九百七十六畝額
外化誨把拱柴銀二錢案自龍潭七柴至道奉皆爲全
賦田其地參錯于十三枝之中今謂之沐官莊上九莊
下九莊上道奉下道奉而把拱柴侶卽今之郎煙溝爲
化詢新闢之地其西保原額田又無幾則府親轄地實
安順土州及普定舊府寧谷十三枝寧國司之故地也
郎岱雍正九年設西保司原額田九千二百九十九畝
有畸寧谷司原額田九百八十畝有畸寧谷十三枝原
額民田七十七畝有畸郎岱原額田八千六百十九畝
有畸鳥通素枝原額田八百五十三畝有畸據是已核
之則郎岱本西保副司及郎岱故土司之地而寧谷司
僅八之一也歸化原安順鎮寧地地名威遠雍正八年
設通判十一季撥錢糧寧谷十三枝原額田三千一百
三十一畝有畸寧谷司原額田一千四百五十七畝有
畸廣順州撥歸原額田一千一百八十三畝有畸康佐
司原額民田五千三百四十五畝有畸火烘哨原額民
田七千九百二十一畝有畸外又有額外化誨之擺頂

阿折克坐小者上過改諸柴約銀百六十餘兩據是日核則歸化本康佐司及火烘哨故地而益之曰寧谷司寧谷枝廣順地也鎮寧州十二營司原額田三萬一百一十九畝有畸安莊衛原額屯田一萬七千五百一畝有畸科田五千七十五畝有畸租田八百畝又二百七十畝據是則鎮寧州本安莊十二營地而故鎮寧州地則入歸化矣永寧州頂營沙營二司原額民田一萬二千三畝有畸募役司原額民田一萬七百五十三畝有畸打罕哨原額民田一萬二千八百七畝有畸關嶺所原轄關查二站額清丈田一千三百七十八畝有畸外又有化誨出貢掾打邨銀約二十五兩餘據是日核則永寧爲永寧關索頂營募役故地豪無割析也普定寧谷司原額田二千九百三十七畝有畸普定衛原額屯田三萬二千九十二畝有畸科田一萬六千一百二十一畝有畸定南所原額田九千一百六十三畝有畸據是則普定本普定定南故地兼寧谷司地也清鎮威清衛原額屯田一萬四千六百五十九畝有畸鎮西衛及威武赫聲二所原額兵田一萬九千六百七十六畝有

崎鎮西振田三百畝鎮西衛威武赫聲二所科田八千三百二十七畝有崎據是則清鎮于并威清鎮西之外無它地也安平西保司原額民田一千九百四十畝有崎平霸衛原額屯田一萬八千八百六畝柔遠所原額兵田四千三百五十五畝有崎科田六百三十一畝有崎祭田八十畝據是則安平爲平霸柔遠故地而兼西保正司也安平志云康熙五十五年革西保司已其地并入安平是西保初革卽屬安平也又案明代于府竟內有六長官監谷長官顧氏于康熙五十四年裁方輿紀要載無副蓋正長官卽晉定土府所貶置而監谷十三柴卽其地也久之傳絕升副爲正故不復有副也西保長官沙氏于康熙五十四年降爲外委土舍今扃屬安平縣副長官溫氏今尙扃屬郎岱十二營長官隴氏後絕副長官陸氏康熙中降爲阿破土舍今尙扃屬鎮監國初議敘長官蕭氏康熙二十三年裁康佐長官薛氏雍正五年裁副長官于氏乾隆初尙扃後裁頂營長官沙氏今扃稱沙營長官副長官程氏于洪武十六年改授羅氏今扃皆屬永寧募役長官禮氏乾隆初尙

抒後裁副長官杜氏不知何時革乾隆貴州通志已無
又有安順土知州張氏見于明史後降爲土州同國
初尙抒不知何季裁貴州通志曰安順土州同久歸流
則其裁在乾隆時也永寧土州同知韋氏見于郭子章
黔記蓋成化三季作亂卽已討絕也今布政司冊云王
應時明洪武初隨征呂功授土守備至康熙五十季降
爲外委土舍相傳至今王濟林管八大王兆春管樂舉
王兆玖管打罕哨攷明初無守備此爲冊誤無疑或者
韋氏旣絕之後用泗城有功土目王氏爲正副長官至
于明季又加守備之銜吏開州州刪節失其實也今冊
又有王國賓宋時隨征有功授長官至明天啟中降爲
外委土舍相傳至今王扶基管播西王文品管樂霸王
兆麟管樂運此蓋打罕之副長官也明史永寧州有盤
江河巡檢今吏開盤江有土巡檢李氏卽其職也又案
明無郎岱土司攷夷書云烘阿輪居慕卧熱卽今郎岱
隴土司之祖也又曰則阿七卽郎岱阿七土目之祖又
水西十二宗親其十一曰則阿七住郎岱又水西十三
則谿其十曰安架則谿管錢糧則阿七兵馬底素又曰

阿則弟曰迫墨爲郎岱祖又曰則之季弟曰擘麻居祖里攷其世燠阿輪卽勿阿納之兄爲慕齊齊之二十世則阿七爲統阿則之子統阿則卽妥阿乍爲二十五世則阿七爲二十六世也由是已言則郎岱土司隴氏及且里則阿七二土目皆爲水西別族于明初尙屬宣慰統轄也今冊有云隴榜于洪武十四季已功授土司康熙十八季降爲外委土千總今土千總隴廷桂管本枝隴濟川管六枝又康熙五季有郎岱土司隴安藩反吳三桂討平之已其地屬安順則郎岱之屬安順始于康熙五季而隴榜之後爲隴廷桂隴濟川皆阿輪之裔其土司不見于明史者蓋統于水西不復別出也凡諸土司事關沿革故詳攷之其總部秦蓋隸

巴郡漢武帝元封五季分天下爲十三部牂柯隸益州

獻帝建安十九季屬蜀置庾降都督牂柯屬焉隸益州晉武帝大康三季立南夷校尉牂柯屬焉隸益州惠帝

大安元季置寧州牂柯郡隸焉懷帝永嘉五季置夜郎郡亦隸寧州成帝咸和八季夜郎陷于成咸康二季復之四季八月分寧州置安州牂柯夜郎皆隸安州八季龍安州二郡仍隸寧州宋齊梁仍之梁亂爨氏據有寧州遙屬周周改爲南寧州昆明烏蠻屬爨氏又有謝氏守牂柯郡仍屬梁陳爨氏分爲東西昆明屬東爨隨平陳謝氏亦屬隨東爨謝氏皆屬牂州兩爨殘滅昆明盡有東爨之地號昆明國唐時謝氏昆明內附皆置州屬黔中采訪使隸江南道五代初屬蜀蜀滅屬後唐晉天

福時屬楚馬氏滅仍屬後蜀宋時屬黔州紹慶府隸夔
州路宋末諸州名盡廢亦無所統元初屬曲靖宣慰司
隸雲南行省世祖至元二十七年置八番羅甸安撫司
屬八番羅甸宣慰司隸湖廣行省二十九年廢之明大
祖洪武十五年置定府隸雲南布政司十八年安順州
直隸雲南布政司二十五年安順州鎮寧州永寧州屬
四川都司普定衛英宗正統三年安順州直隸貴州布
政司神宗萬厯三十一年安順軍民府隸貴州普定衛初
隸四川都司正統三年隸貴州都司安莊衛平霸衛威

清衛鎮西衛初置卽隸貴州都司安順府安莊平霸威
清三衛皆屬安平道亦曰威清道 國朝安順府隸貴
州布政司其道初曰安平曰威清今屬貴西云

穀執齋文存四

鄒叔子

新化鄒漢勛

貴陽沿革

夫貴陽者禹貢梁州江外之南域也于職方爾雅蓋屬
荊州或曰雒州之南裔春秋時爲牂柯國地戰國末爲
且蘭國地楚襄王時莊蹻滅且蘭封其支屬仍改名牂
柯秦時復爲且蘭國始皇又因國置縣秦亡縣廢說均具安
順沿漢武帝建元六年復因國置縣屬犍爲郡元鼎五
年且蘭君反六年討平之遂置故且蘭縣爲牂柯郡治

牂柯郡凡領縣十七後漢領縣十六

案兩漢牂柯郡之縣鐔封毋單都夢

談藁皆在雲南 旻中甸町在廣西旻漏卧在廣西鎮安
旻及粵南國之高平府宛溫在雲南開化旻及粵南宣
化府之北隙地西隨在今南掌國進桑亦南掌
國及粵南國歸化州也餘皆在今貴州竟內 故且蘭

治或曰在今黃平州旻內

滇黔紀游云興隆郡即古牂柯郡今省入黃平州迤州治

于內焉麻三十里渡重安江江之上流接新添衛諸山
之水合平越葛鏡橋麻哈江下人古州八萬經生苗地
二千餘里達黔陽合大谿趨洞庭曰人大江者也案重
安江即沅水之北原可通舟楫其上有都蘭渡都蘭柴
在今清平縣西北四十里即明鄒文盛平香鑑山築兵
藝所定者也此或即莊蹻係船處都蘭即且蘭之轉嚙
非漢故且蘭縣若興隆則宋為狼洞狼 或曰治今平越
蓋南陽之轉即唐莊州之南陽縣也
州通鑑輯覽注牂柯郡治故且蘭今平越府平 或曰在
越縣案嘉慶初府改為直隸州縣省入州

今大塘城南畝平州外南丹州西竟紅水江上應劭曰

臨牂柯江也水經注夜郎豚水東徑牂柯郡且蘭縣謂

之牂柯水水廣數里縣臨江上故且蘭侯國也一名頭

蘭牂柯泊也案水經注曰紅水江為牂柯水據其或曰

說定之則故且蘭宜在大塘西南畝外紅水江上或曰

卽元之光蘭州在今羅斛或曰故且反為孤魚模陽唐

故故且蘭卽光蘭也元史本紀世祖至元二十九季入

番榦羅思招討光蘭州洞蠻置定遠府方輿紀要廢定

遠府在定番州南二百二十里今羅斛東南六十里有

稿里場北距定番州二百二十里稿里又光蘭對音之

轉也或曰卽唐之清蘭縣在今大塘或曰唐書莊州貞觀

沮之譌傳寫唐書者因形近誤耳沮且通用唐之莊州

在今定番州北四十里大平寰宇記曰莊州為且蘭之

西北隅率推地形大塘地居莊州之東南當是故且蘭

所治又漢書華陽國志咸言且蘭縣有在蒲關今大塘

城西南百二十里

有挂抹柴卽是

今貴陽府盡故且蘭地也

案且蘭所轄之地最

廣地理志云故且蘭沅水東南至益陽入江水經云沅水出牂牁且蘭縣爲旁溝水地理志云無陽無水首受故且蘭南入沅水經注無水出故且蘭南流至無陽故縣是沅無二水皆出故且蘭也今沅水出貴定南朵蓬山東徑都勻清平黃平施秉台拱清江黎平始入靖州無水出黃平都四山東徑施秉鎮遠清谿玉屏始入晃州沅水在都勻有版水之稱蓋卽旁溝之轉也且蘭東畛雖不能斷要之施秉黃平都勻清平越麻哈諸州縣皆其地大平寰宇記曰唐莊州爲且蘭之西北隅莊州治在今定番北青巖左右則今貴筑廣順龍里又且蘭之竟也而定番固在其中矣晉牂牁郡治萬壽縣在今石阡府隨唐牂州治今餘慶蠻安之閒蓋皆且蘭縣之所分置也則今開州修文之連壤者亦且蘭縣可知也元和郡縣志播州本西南徼外蠻夷夜郎且蘭之地戰國屬楚秦亦常置吏至漢武帝平西南夷置牂牁郡貞觀元季于牂牁北畛置郎州十一季省十三季置

播州是播州亦有且蘭地也噉曰漢書水經及注攷之
延江所纏麻絕不與且蘭相涉播州自爲營縣地無疑
或曰春秋戰國之時營爲蜀下邑且蘭夜郎北浸
有其地亦未可知要非漢曰後縣邑之疆畛也 三國

時蜀分牂柯建寧二郡盤南之縣置興古郡于是牂柯
郡領縣七仍治故且蘭晉初增置并渠縣蓋大康四季
牂柯獠二千餘落內附曰其地置也又攷故且蘭爲且
蘭分且蘭置萬壽縣徙郡治焉于是牂柯郡領縣八永
嘉五季分營平夷爲平夷郡分夜郎曰南爲夜郎郡改
并渠爲廣談于是牂柯僅領縣四萬壽且蘭廣談毋斂
郡仍治萬壽

華陽國志牂柯郡漢屬縣十七及晉縣四
萬壽縣郡治有萬壽山沮本有鹽井漢末

時夷民詛盟不開今三郡皆無鹽且蘭縣音沮漢曰故
且蘭有柱蒲關也廣談縣毋斂縣有剛水也案萬壽山
在今石阡府西二十里樂橋晉萬壽縣當在其左右或
卽今之石阡府也或曰卽唐牂牁州治在今餘慶讐安之
開今開州修文蓋萬壽縣之西竟開州志鹽產谷撒新
柴青苔堰洗泥河諸
廼未開又案陳公歿寇記公與黑苗戰于樂邦之鹽井
坡樂邦今修文地開修與餘讐接壤皆在延江之南又
有鹽井其卽萬壽之詛不肖開之貴筑定番廣順貴定
鹽井與故開修亦萬壽之地也

龍里則且蘭竟也後廣談改屬夜郎李雄據蜀獨牂牁
爲晉守分置晉樂丹南二縣于是牂牁郡領縣五

華陽國志

云永昌九季尹奉爲寧州刺史南夷校尉加安西將軍
奉威荆緩鈍政治不理咸和八季遂爲李雄弟壽所破
獲南中盡爲雄所有惟牂牁謝恕不爲壽所用遂保郡
獨爲晉官至撫夷中郎將寧州刺史冠軍是歲咸和八

季也晉書載記壽遣鎮東大將軍李奕征牂柯太守謝
恕保城距守者積日不拔會奕糧盡引還案此後謝氏
遂世有牂柯至唐中葉始滅洪亮吉東晉疆域志云牂
柯郡漢置晉書地理志統縣八後分出平夷夜郎二郡
東晉凡領縣五萬壽沈志晉武帝立且蘭漢曰故且蘭
沈志併晉大康地志無郡國志注併地道記縣有沈水
毋斂漢舊縣晉樂沈志江左立丹南二縣華陽國志尚無
志又有新寧縣云謹案晉樂丹南二縣華陽國志尚無
之當是穆哀已後所立蓋謝氏保牂柯時所分也丹南
當在今丹江廳唐之應州當即其地于今則錦屏黎平
天柱清江台拱施秉舊縣丹江都勻皆是東西地邈近
千里蓋分毋斂之北竟已置縣也晉樂在今貴筑縣北
四十里都喇營唐矩州即其地今貴筑縣南有鎮
羅山蓋即晉樂之南畍山晉樂語譌爲鎮羅也今貴

筑開州修文皆晉樂地定番廣順龍里貴定則且蘭地

宋牂柯郡仍治萬壽領縣六新置新寧縣

沈志新寧不
注置立案新

寧卽隨唐夷州之綏陽縣通典夷州漢屬牂柯郡元和郡縣志夷州本徼外蠻夷之地自漢至梁陳並屬牂柯郡大業七年置綏陽縣當卽因舊綏寧曰爲名也齊仍之改郡名曰南牂柯復

治且蘭改新寧爲綏寧梁析置南陽郡治建昌縣餘咸

仍舊

隨書地理志沅陵郡辰谿下注云又梁置南陽郡建昌縣陳廢縣開皇初廢郡置壽州十八年改爲

充州大業初州廢通典云龍標郡西南至羈縻充州梓
蓋縣盼四百里元和郡縣志費州正南徼西至牂柯充
州一百九十里獎州西南沂流沿谿至牂柯充州七百
里梓蓋東北至獎州水路四百里建中四年自牂柯化
外充州割屬獎州新唐書地理志充州武德三年曰牂
柯蠻別部置縣七年蠻東停詔明牂柯東陵辰水思王
又獎州梓蓋縣本隸充州天寶三載廢爲羈縻州曰縣
來屬南蠻傳牂柯國其北百五十有別部充州蠻案故
費州在安化城東北百里唐之充州應在石阡府東北
今松桃廳西南二百十里有地東北至西南斜長五十

里南北三十里名曰平貴洞陸曲洞在思南之南石阡之東鎮遠之北銅仁之西與石阡府親轄地皆古平蠻縣竟東停卽松桃新置所云坡東坡西者韶明卽明之烏羅府也在今松桃城西牂牁故虛在今思南府西卽思南府親轄地東陵卽明之銅仁大萬司今爲銅仁縣地辰水卽明之省谿提谿司今爲銅仁府親轄地思王卽思南之今貴筑開州修文仍爲晉樂地定番廣順龍朗谿司也

里貴定仍爲且蘭地大清二季寧州刺史徐文盛勤王寧州空虛諸郡多爲爨氏所據惟牂牁及平夷南陽三郡自守隨平陳并牂牁平夷二郡爲牂州改南陽郡爲壽州大業三季改牂州爲牂牁郡領縣二牂牁賓化牂牁帶郡牂牁蓋宋齊之牂牁綏寧平蠻蠻諸縣賓化蓋

宋齊之且蘭晉樂丹南毋斂諸縣今貴筑開州修文皆

牂柯縣地定番廣順貴定龍里皆賓化縣地

案元和郡縣志貞觀

元季于牂柯北畛置朗州十一季省十三季置播州播
州卽宋齊平蠻營二縣故知平蠻營皆省入牂柯縣也
唐書莊州故隨牂柯郡地元豐九域志莊州領縣八
中有賓化縣卽今平伐故知且蘭等縣省入賓化也大
業末隨亂牂柯閉竟自守唐武德四季置矩州貞觀三

季置南壽州四季更名莊州其時又置明州十一季曰

莊州爲都督府景龍二季罷都督初莊矩皆爲下州開

元中降莊州爲羈縻州天寶三季又降矩州爲羈縻州

又有蠻功清今勳鄉諸州咸爲羈縻州莊州領縣七

牛南陽輕水多樂樂安石城新安蠻州領縣一巴江

上州縣多爲今貴陽地

案唐黔府羈縻五十一州惟雙城稜福濡鸞延襲琳懸撫水思

原那十三州在今廣西黔中晃州在今湖南黔中總殷
鴻三州在今四川黔中姜敦二州在今雲南黔中餘三
十二州皆今貴州地也茂龍訓在興義珍管在安順
都當从九域志作郝郝暉健實義在大定牂牁在平越整
當作憇邦南平逸勞在都勻侯樊嶽亮在黎平添蔺
在鎮遠充州居松桃銅仁石阡之內應州巨黎平鎮遠
都勻之中餘俱矩州今貴筑也貴筑卽貴州之聲轉貴
在今貴陽黔矩州之名初見于元史其
本紀云大德五年六月壬辰宋隆濟攻貴州知州張懷
德成之地地理志順元等路安撫司有貴州等處長官是
貴州之名起于元也又案元范匯八番順元宣慰題名
記云八番順元相傳爲夜郎牂柯之表始古鬼方之竟
蠻獠種落雜處叛服不常入我國家軍徭其地諸部悉
歸順始置宣慰使都元帥府總戎已鎮之更貴州爲順

元康熙貴州通志又載宋太祖賜普貴敕書中有惟爾
貴州遠在荒服宋初已有貴州嚟檢宋史地理志大
平寰宇記元豐九域志紹慶府羈縻化外諸州咸無貴
州但有矩州而宋史作知州九域志作矩州蓋皆字誤
唐書故作矩州也又案矩州之地載籍亦尠言惟通鑑
云顯慶四季四月王子矩州人謝無靈反黔州都督李
子和討平之注矩州諸蠻亦東謝蠻之族落唐書南蠻
傳云龍朔三季矩州刺史謝法成招慰比樓等七千戶
內附總章三季置祿州湯望州檢唐書地理志戎府有
湯望州而無祿州通典亦載此事又作置湯望縣火二
州而唐書地理志乃于安南都護府福祿州唐林郡云
本福祿郡總章二季智州刺史謝法成招慰生獠昆明
比樓等七千餘落已故唐林州地置大足元季更名安
武州至德二載更郡曰唐林乾元元年復州故名是一
事或曰爲矩州爲智州或曰爲祿州福祿州祿火州也
舊唐書亦同今攷元和郡縣志唐林州在安南都護府
圻貢州內且云北至府約一千里則非昆明之圻近州
明甚舊唐書蓋誤引而新書不能正也又宋史元豐九

域志紹慶府羈縻縻州有祿州誤作緣唐時戎黔二府所
管羈縻縻州多接壤則此祿州當卽謝法成所招無疑唐
書黔府無祿州蓋已誤合安南之福祿州而闕比樓卽
水西之比喇又作比那蓋同聲之轉祿州當在平遠峽
中今水城之地近之湯望則威寧是也矩州爲東謝之
部族則其地應近牂牁充應之閒又能招比樓是又必
與平遠州之地相近已此推之知去平遠不大遼遠矣
今黔南之音魚模脂微同呼矩貴無異則貴州卽矩州
之變又無疑貴州故近平遠也蓋宋史九域志作矩州
者據史問之正文大祖敕書范匯碑記作貴州者沿相
承之俗語元已後則貴州又爲典章之正矣過方往往
如此又案唐宋及元廣西別有貴州卽今之貴縣往往
相亂元史地理志廣南西道貴州下引宋隆濟蛇節之
事誤矣靖道謨貴州攷知二貴州之辨雖矣然因于觀
田祐恭墓志有祐恭爲貴州防禦使之語遂斥其爲僞
作又不然也祐恭所加之貴州防禦使自廣西之貴州
耳當時節度團練防禦刺史皆爲勛戚加銜且用爲蠻
夷加銜宋史南蠻傳廣西有加邵州防禦使者卽其事

其文固無可疑也遐裔無文籍不惟不能紀實并亦蠻不能作偽卽宋祖敕書尙不必疑況于觀之文乎

州明之水東及水外六目是也今爲貴陽親轄地開州

修文之南竟西竟及清鎮之鎮西衛故地舊唐書南蠻傳蠻州刺史

宋鼎求入朝訴于黔中觀察使王礎礎爲之奏其首削官有繼襲蠻州刺史宋鼎左右大首領檢校邛州刺史

謝汕左右大首領繼襲巴江縣令宋萬傳旼首子弟大首領牂州錄事參軍謝文經其辭有云州接牂柯同被

聲教請比牂柯兩州每季一度朝貢案所云牂柯兩州當謂牂莊二州其時牂州在餘慶蠻安石阡黃平之閒

知蠻州相去不遠矣又案唐書地理志蠻州縣一巴陵此云巴江當以此爲是黔府驛廩州有功州九域志亦

同而此與宋史作邛州當以功爲是延江水震天洞已下有江西之目而今貴陽府親轄地在蠻城河之外者

有巴香里當卽是此巴江也旼首在安平縣北二十里貴州通志安智亨時旼首阿崖阿蔽皆阻山爲寇智亨

悉拾之威清平霸之閒道無拾遺當卽此峴首也功州
語轉爲光州元史地理志新添葛蠻司有光州長官本
紀至元二十五季光州蠻人光龍等十二人金筑府馬
麟十六人大龍番禿盧忽五十四人各授蠻夷官賜呂
璽書其地在今開州西北光堵河
蓋修文之東北竟卽光州竟也 功州今修文東北竟
也 說具 清州元之曾竹明之威清衛今爲清鎮縣兼有

貴筑西北之地

案元史地理志順元等路安撫司有曾竹廵長官大德七季曾竹長官宋阿重

溪入烏撒烏蒙至于水東獲叛夷宋隆濟曰獻方輿紀
要曾竹廵廢長官司在府西北八十里乾隆府州廳志
曾竹在貴筑西北八十里今貴筑西有鎮寧州華離地
當驛道之南安平之東廣順之北名曾周馬場亦書作
曾州卽元曾竹長官地曾州爲曾竹之音轉曾竹又清
州之語譌也五代史記四夷列錄清州入郡刺史宋朝
化入貢冠帶如中國是清州之長爲宋氏明甚阿重或
朝化之族明威清衛卽清州之地曰威清爲名蓋亦威

禹州之

今州卽金鎮今廣順也

唐書地理志令州宋史

義也作今州當引今爲正作令者涉筆之譌元史地理志管
番民總管有金竹府及古瓊縣又有竹古弄等巡長官
本紀至元二十七年金竹知府埽閭貢馬及雨瓊且言
金竹府內埽蠻民多未服近與趙堅招降竹古弄古魯
花等三十餘柴乞立縣設長官總把參用土人从之方
輿紀要古鎮廢縣在金鎮安撫司南百里元置古鎮縣
隸金竹府俗名其地曰古羊明初縣廢乾隆府州廳志
元古瓊廢縣在廣順州南百里案元史金竹府下有古
瓊縣瓊與缸同缸羊聲相近故俗譌羊今諸地志作古
鎮誤謹案雅存此言是也金竹卽今州黔人多曰州爲
竹貴鎮卽其明證今金鎮卽在廣順州西門外一名夜
合山卽元明金竹府金鎮司也古羊枝在長柴西北八
十里卽古瓊而長柴西五里又有者貢枝
者貢當卽竹古弄也古瓊始卽古魯花云莊州今定番
貴定龍里皆其地而東有平越清平黃平麻哈

唐書莊州本南

壽州貞觀三季已南謝首領謝疆地置四季更名十一
季爲都督府景龍二季罷都督故隨牀柯郡地南百里
有桂嶺關縣七石牛南陽輕水多樂樂安石城新安貞
觀中又領清蘭縣後省謹案隨牀柯郡卽唐牀州唐牀
州縣三建安賓化新興建安本隨牀柯縣更新興與州
同置元和郡縣志播州東北至牀柯北畛巴江鎮七十
里東南至牀柯州二百二十里遵義府志云唐播州治
在今綏陽牀州在綏陽東南二百二十里則州治當在
今蟠安餘慶竟內而其南畛必更在餘蟠之南卽隨牀
州其賓化新興兩縣皆當在烏江南也謹案餘慶當卽
唐建安縣餘慶司之在烏江北者或卽巴江鎮元和志
東北至巴江鎮北或南字之誤也七十蓋奪百字方輿
紀要引舊志云牀柯南有新興縣案黃平舊州當餘慶
之南蟠安當餘慶之西南今餘慶南有新邨河新邨蓋
新興之譌河畔蓋古新興縣之東北地畛也則今蟠安
及黃平舊州地實唐之新興縣元史于雲南新興州云
漢新興縣唐初隸牀州是已牀州之新興在今雲南新
興州誤甚隨牀柯郡之賓化縣卽今貴定南之平伐司

賓化平伐語轉耳九域志所載莊州之賓化卽此蓋唐
宋嘗因舊名置縣不久卽廢明一統志又云賓化卽今
安化縣攷其地當在安化南石阡府竟或唐牂州之賓
化已北徙非隨舊治與由是已定之則唐牂州之竟爲
今石阡親轄地及龍泉東竟餘慶讐安黃平舊州審矣
牂州定則莊州可知推矣唐書莊州隨牂柯郡地則莊州
必與牂州相連可知牂州本謝氏所有應州居牂州東
南故號東謝而莊州號南謝必在牂州之南明矣黃平
舊州之南卽明之興隆平越清平三衛而西連新添龍
里定番則此五衛一州爲莊州又審矣案唐書云莊州
南百里有桂嶺關桂嶺卽今長柴之谷隆關也桂嶺谷
隆蓋已雙聲而譌谷隆在今定番州西南六十里則莊
州所治之石牛縣當在今定番北青巖上馬之間也又
案定番州志云州卽古牂柯郡地自洞口至高橋地皆
平坦長竟五十餘里俗呼中巢州中巢卽朝反語朝又
莊之對音字也已定之則莊州治在定番審矣多樂
卽貴定東南之都盧坪也新安之爲縣新唐書有之九
域志有之元史八番順元蠻夷官有之則自唐及元未

之改也今龍里東三十里有新安保卽其遺蹟也由是
呂言則明之龍新一衛卽唐之新安縣今龍里及貴定
北竟是也清蘭在今定番南後亦并入石牛也凡此皆
在今貴陽竟內輕水卽清江水名也在今平越西卽蠻
城河下流縣蓋呂水得名故今之楊義司卽輕水也樂
安在今巖門司南清水江與重安江合流處今清平縣
蓋卽樂安也今黃平州卽明興隆衛宋日狼洞狼卽南
陽之反語則今黃平州卽南陽縣明矣麻哈元時號爲
麻陝蓋勳州今大塘也元史地理志管番民總管有重
石城也勳州今大塘也元史地理志管番民總管有重
定番州東南百五十五里元置重州蠻夷長官司明初
改爲通州里案勳動動轉通又省爲重今大塘城南
通州里卽古勳州大塘南接平州蓋古南平州或曰方
輿紀要曰元重州爲通州誤元史地理志重州削于羅
來那麻等州之間羅來等州皆在羅斛不應重州一州
獨東南出于大塘之竟然此僅可謂重州非通州而勳
動呂形近而譌動通呂明州有今羅斛地唐書明州貞
音近而轉固無足疑也

首領趙摩酋地置南蠻傳東謝南有西趙蠻東距夷子
西屬昆明南西洱河也山穴阻深莫知道里南北十八
日行東西二十三日程戶萬餘俗與東謝同趙氏世爲
酋長貞觀中已其地爲明州通鑑唐貞觀十三年六月
渝州人侯宏仁自牂牁開道經西趙出邕州已通交桂
蠻徠降者二萬八千餘戶胡氏注東謝蠻西接牂牁南
接西趙蠻牂牁之別帥曰羅甸今廣西買馬路自桂州
至邕州橫山柴二十餘程自橫山至自祀國二十二程
又至羅甸十程此即侯宏仁所通者也案西洱蘇軾云
卽牂牁江形如月抱珥故名卽今之紅水江名盤江也
西趙之竟西接昆明東至夷子南至盤江北接應州應
州有今都勻地夷子蓋卽南丹州據地形言之則明州
卽今貞豐州亨羅斛及南丹州西竟明甚又案唐牂牁
州在今餘慶橫山柴卽今田州自餘慶南指田州必經
今羅斛之東南丹之西又足已證羅斛南丹之爲明州
矣已每日行五十里計之明州東西應千一百五十里
南北應九百里今貞豐州亨羅斛本割泗城府盤江北
地置東西已七百里南北亦三百餘里又東侵南丹之

地則所云二十三日行者或近之南北恐不
不燃也方輿紀要謂明州在思南南恐非鄉
州今定番

羅斛歸化閒地也

唐書卿州宋史作鄉州九域志作卿州當已作鄉者爲是今定番麻嚮長

官司蓋卽鄉州也元之桑州卽今那桑又有桑州郎柴
卽今桑郎保皆在今羅斛西北桑亦鄉聲譌蓋今麻嚮

在定番之極西畛其附近有大華木瓜盧山三司又唐
有木官一里西南接歸化南接羅斛皆唐之鄉州也

末南寧州徙置于清谿鎮今定番州南二十里騎龍是

也唐書戎府羈縻州南寧州天寶末沒于蠻唐末復置州于清谿鎮宋史太平寰宇記九域志紹慶府羈縻

州咸在南寧州寰宇記云南寧州本清谿鎮唐置在黔
西州南二十九日行從南寧州至羅甸王部落八日行

與雲南接畛曰充州曰珍州曰健州曰莊州曰明州曰
牂州曰矩州曰清州凡九州每季朝貢自柯州襲州峩

州已下凡四十四州洞內羈縻而已往時于黔州置都
督府管健州已下五十三州卽南寧已下諸州是也定

番州志云南寧州在州治南二十里騎龍貴州通志同
案黔州今彭水縣也自彭水經思南石阡至施秉經黃
平清平入貴陽府至定番已道路計之或當二十九日
行也羅甸國當在貞豐州之羅煩甲騎龍卽卧龍司之
柴名五代悉仍唐舊初屬蜀蜀亡屬後唐孟知祥據蜀仍
屬蜀後屬楚楚王馬希範遣兵戍之于是始有諸番馬
氏亡仍屬蜀宋史蠻夷傳西南夷唐置費珍莊珍播郎
牂牁牂夷等州唐末王建據西川由是不
通中國後唐天成二年牂牁清州刺史宋朝化等一百
五十人來朝其後孟知祥據西川復不通朝貢案費珍
等州唐屬黔中都督府五代史記前蜀世家昭宗乾寧
三年黔南節度使王建肇已其地降于建又云成納戎
建寨其間攻下夔施忠萬四州通鑑昭宗乾寧三年荆
南節度使成納與其將許存汧江略地盡取濱江州縣
武泰節度使王建肇棄黔州收餘眾保豐都存又引兵
西取渝涪二州已其將趙武爲黔中畱後存爲萬州刺

史王建肇不能守與存皆降于王建天復三季蒔渝州
刺史王宗本言于王建請出兵取荆南建从之已宗本
爲開道都指揮使將兵下峽夔州刺史侯榘呂州降宗
本遂定夔忠萬施四州建已宗本爲武泰軍畱後武泰
舊治黔中宗本請徙治涪州建許之據是已言黔中乾
寧三季卽有圻王建者至天復三季始盡入王建宋史
謂唐末王建據西川牂柯由是不通中國蓋天復二季
事也其時牂柯諸羈縻州蓋隨黔府屬蜀云同光三季
蜀以牂柯始通中國故有天成二季宋朝化之朝清泰
元季孟知祥復據蜀蓋又圻蜀通鑑晉高祖天福四季
黔南巡內谿州刺史彭士愁引樊錦州蠻萬餘人寇辰
澧州遣使乞師于蜀蜀王不許明其時尙圻蜀故爲攻
伐已悅蜀也楚遣劉勅劉令明等破士愁士愁降于勅
于是南寧州酋長莫彥殊率其本部十八州都雲酋長
尹懷昌率其昆明等十二部牂柯張濬率其夷播等七
州皆圻于馬氏見五代史記楚世家天福五季事也是
時牂柯諸羈縻州又屬楚矣七州蓋謂費珍莊珍播牂
夷也郎卽播有夷州無牂柯宋史蓋偶誤耳康熙貴州

通志云晉天福五年楚王馬殷遣八姓帥率邕管郴州兵討兩江谿洞畱軍戍之遂各分據八番又云廣南有韋土司自言淮陰侯後當鍾室難作淮陰侯客某匿其三歲兒知蕭相素與侯善往見之微示侯無後意相國叩天歎曰嗟哉冤乎淚淫淫下客見其誠已情告相國驚曰若能匿淮陰兒乎中國不可殂矣急投南粵作書遣客匿兒于佗曰此淮陰兒公善視之佗養已爲己子而封之海濱賜姓韋用韓之半也今其族世豪于海墻有鄼侯所遺之書殷佗所賜之誥勒之鼎器今定番有韋番司其先出于廣南晉天福間楚王馬殷所遣八帥號八番韋番其一也其人雖隸版圖奉冠帶輸租課隤多陰賊剽悍獸食而鳥息未見有能豪者至問其受姓之日與鄼侯所遺之書殷佗所賜之誥率皆不知而云無有則又何也乾隆府州廳志狝家五代時楚王馬殷自邕管遷來其種有三一日補龍二曰卡九三曰青狝貴陽平越都勻安順南籠皆有之有黃羅班莫柳文龍諸姓今案天福五年馬殷已薨其時馬希範嗣楚王柳州元和郡縣志不屬邕管狝家見于元史作仲家凡此

皆沿習之誤不足深辨五代史記職方表柳州屬楚邕州不屬楚則云邕州亦誤又攷宋史蠻夷傳云自宋已來有龍番方番張番石番羅番諸番部族數十獨五姓取箬程氏韋氏皆比附五姓故號西南七番云桂海虞衡志云融狂獠洞之南番蠻之東番蠻時出州縣城郭曰蜜蠟香艸等賈易每歲聖節亦有出赴燕設者其僞大小張大小王龍石滕謝等謂之西南番地與牂牁接元史所謂八番則程番武勝軍金石番大平軍卧龍番南寧州小龍番靜蠻軍大龍番應天府洪番永盛軍方番河中府盧番靜海軍也又有羅甸國遏蠻安撫司亦僞羅番別有小程番長官是明史長官司曰番僞者凡十也嚙由諸書攷之馬氏時伯無八番貴州通志言八番者亦誤宋史蠻夷傳慶厯五季有知靜蠻軍節度使龍光凝當卽小龍番之先是則八番羅甸諸軍府號在宋已有之但治平四季又有知靜蠻軍番落使龍異閣熙寧元季有靜蠻軍節度使方異貺三季又有捍蠻軍節度使張漢興是其僞謂亦無一定也謝番桂海虞衡志下文有西南謝番知武州節度使宋史紹興二十四

季有小張番又嘉祐二季有西平州石自品黔南道張
王元祐元季西南石番自稱西平州武聖軍凡此皆諸
番之可破者惟大小王滕番則未之聞或曰大小王乃
大小程之誤蓋程字奪其上左因成王字耳大小龍及
洪盧則大小張及謝滕之改耳綜計宋時有十番元明
亦十番相當黔南西平皆自稱之號故宋史不著黔南
蓋卽大先是烏蠻有盧鹿部保竹子嶺自爲部落開成
番張也元季舉部內屬會昌中封其酋帥爲羅甸王世襲羅甸
王之先曰濟火當蜀漢時有部族傳世旣建寧郡梁之
亂也南寧州刺史徐文盛入援爨氏據有建寧號曰爨
部後分東西西爨曰白蠻東爨曰烏蠻羅氏屬東爨南
詔破二爨羅氏始東保竹子嶺至是得封王其後又封

其別帥爲滇王滇王旋改普寧王語譌爲普露靜王先
有七部其後并有武龍訓州凡九部後唐天成二年羅
甸王普露靜王九部落各遣使附牂柯來朝貢後賜羅
甸王號爲順化王普寧王爲奉化王其俗稱王曰王子
旣而其國中別部之帥皆稱王子王子之上有甲頭亦
別帥也宋乾德五年順化王及其武龍州八部王子入
貢眞仁呂後又盡有明州別置和武州其地遙直融宜
之西邕州之西北亦曰羅國今羅斛及貞豐開亨興義
普安歸化安順府西普定廢路皆是也

唐書南蠻傳附
爨蠻自曲州靖

州西南昆川曲輓晉寧噏獻安寧距龍和城謂之西爨
白蠻自彌鹿升麻二川南至步頭謂之東爨烏蠻又烏
蠻世與南詔婚姻其種分七部落一日阿芋路尻曲州
靖州故地二日阿猛三日夔山四日暴蠻五日盧鹿蠻
二部落分保竹子嶺六日摩彌斂七日勿鄧大部落有
大鬼主百家則置小鬼主開成元季鬼主阿佩內屬會
昌中封其別帥爲羅甸王世襲爵其後又封別帥爲眞
王皆牂柯蠻也案貴州通志猓獠本盧鹿久之謫爲今
猓羅甸王卽猓獠之種實東爨烏蠻之分也阿佩蓋烏
蠻七部之都鬼主羅甸王眞王則保竹子嶺之暴盧鹿
二部也云皆牂柯蠻者蓋居梁故牂柯地故也其種實
自烏蠻來耳五代史記四夷傳錄云昆明在黔州西南
三千里外地產羊馬其人椎結跣足披氊其首披虎皮
天成二年嘗一至其首領號昆明大鬼主羅甸王普露
靜王九部落各遣使者來使者號若土圻牂柯曰來案
羅甸王一王也普露靜王又一王也三字國名普露靜
卽普寧二字之譌轉蓋卽會昌後所封之眞王改名也
唐宋皆有羈縻普寧州後譌爲普里元置普定路故地

在今晉定縣東南元史地理志晉定路本晉里部歸附
後改晉定府又原注云雲南行省言羅甸卽普里也歸
附後改晉定府由是言之則晉寧爲羅甸所屬明矣此
蓋暴蠻也宋史蠻夷傳乾德五季已順化王武才爲懷
化將軍武才弟若威爲歸德司階武龍州部落王子若
溢東山部落王子若差羅波原部落王子若臺訓州部
落王子若從雞平部落王子若冷戰洞部落王子若摩
羅毋姝部落王子若毋石人部落王子若藏竝爲歸德
司戈案順化王卽羅甸王也波原部毋姝部冠之已羅
者羅甸王故地也訓州武龍州蓋侵它州之地武龍卽
茂龍也東山雞平戰洞石人則侵明州之地明州本羅
甸王所寄治也晉寧別一部故五代史言九部也開寶
八季三十九部順化王子若發來貢馬百六十匹丹砂
千兩三十當爲三州之譌三州謂晉寧茂龍訓州也宋
史本紀雍熙二季有西南夷奉化王子已慈蓋卽晉寧
王之別號宋史蠻夷傳云其本國從者有甲頭王子刺
吏判官長吏司馬長行儺人七等之名則凡云王子者
皆其別帥之稱也非王之子也今西南尚有此語太平

寰宇記有明州九域志宋史咸無之蓋其地并于羅甸
王國矣又案羅甸國近世多謂卽羅氏鬼國今綜緝而
攷之知其非矣桂海虞衡志云南江之外稍有名徧者
羅甸自巳國名羅孔持摩白衣九道等巳道名此皆成
聚落地皆近南詔羅在融宜之西邕之北唐會昌中封
其帥爲羅甸王世襲爵巳馬至橫山互市亦有迄至邕
徧守羅國王羅呂押馬者徧西南謝番知武州節度使
都大照會羅甸國文字案唐書東謝蠻凡黔州西謝氏
世酋長部落尊畏之嚠則謝番蓋羅甸之巨室又知其
地近牂柯也邕州今南寧府宜州今慶遠府融州今融
縣羅甸之地遙直慶遠融縣之西南寧之西北故知羅
甸卽羅甸國也若大定黔西羅氏鬼國之地則又在融
宜之西北而非西故知其非又巳元史攷之地理志云
至元十六年潭州行省遣附淮招討司經歷劉繼昌招
降西南諸番巳龍方零爲小龍番靜蠻軍安撫使龍文
求卧龍番南寧州安撫使龍延三大龍番應天府安撫
使程延隨程番武勝軍安撫使洪延賜洪番永盛軍安
撫使韋昌盛方番河中府安撫使石延異石番大平軍

安撫使盧延陵盧番靜海軍安撫使羅阿資羅甸國過
蠻軍安撫使竝懷遠大將軍虎符仍已兵千戌之阿里
海牙傳阿里海牙降八番羅甸蠻已其總管文龍兒入
見置宣慰司八番羅甸卧龍番大龍番過蠻蘆番小龍
后番方番琪番程番竝置安撫已鎮之盧作蘆洪作琪
皆涉筆偶誤置宣慰司八番羅甸當作一句謂置宣慰
司于八番羅甸也本紀至元二十二季云已荆湖行省
所隸入番羅甸隸四川行省二十六季云已八番羅甸
宣慰使司隸四川省又云已八番羅甸隸湖廣省是宣
慰司已入番羅甸名也卧龍已下九安撫即地理志所
削者是過蠻即羅甸之軍名互舉之已避上文耳又案
地理志削諸番名羅甸國過蠻軍又作羅番過蠻軍已
此攷之又知羅甸國即羅番也九安撫同置而別出羅
甸曰八番羅甸者見羅甸特大可已一匹八也又案知
武州節度使當作和武州九域志宋史咸有和武州是
也和武州後誘爲和宏州蠻俗遂僞爲火烘州矣方輿
紀要云鎮寧州宋爲普里部元于羅黎柴置和宏州尋
改鎮寧州元志不載火烘坡在州治北古名和宏元置

州治此輿圖云州治火烘柴亦名羅黎柴是也明史鎮
寧州元至正十一季四月己火烘夷地置有烏泥江卽
都泥江原出山箐中東南流入金筑安撫司竟康佐長
官司在州東案康佐司在今歸化廳火烘坡在今歸化
城西二
十里 宋代牂柯諸羈縻州多仍唐舊惟明州并于羅

甸國州遂廢其時番蠻部族有二百戶輒自僭州又
在羈縻州之外也羈縻州後又僭化外州其在今貴陽
竟內者爲矩州蠻州功州清州今州勳州莊州鄉州南
寧州咸黔中都督府舊州也又有羅甸國亦唐代所封
若黔南道張番之僭在西平州石番羅岳州今羅斛東
今牛路司
則蠻人所自僭者五代之際羅甸王之支屬有曰普貴

者北據矩州宋太祖初納款土人譌矩爲貴太祖因就

其所傳者用爲貴州之長貴州之名于是起矣

明史貴州土司

傳云自蜀漢時濟火從諸葛亮南征有功封羅甸國後五十六代爲宋普貴傳至元阿璽世有功于水西宣慰司璽翠其裔也後爲安氏案華陽國志云諸葛亮平南夷召夷多剛很不賓服乃令大姓富豪出金帛聘策惡夷爲家部曲得多者奕世襲官濟在蜀漢時蓋卽大姓富豪多得惡夷者未必卽封王其封王在會昌中唐書通典通攷具在可覆案也普貴之有貴州則有宋太祖敕書可凭或不誣也貴州矩州說具上唐末又

置姚州在 today 大定府竟內爲瀘州都督府所部宋初廢

羅氏旣得貴州旋爲蠻州宋氏所逐西北徙至故姚州

凡焉仁宗時部落轉盛其酋曰得蓋能召兵威役屬旁

小州數遣人詣官自言願得州名曰長夷落事聞因賜

號姚州鑄印予之

姚州在平遠州境內卽方輿紀要圖所謂姚宅也夷語偶要架得蓋

又乞敕書曰遺子孫詔从之得蓋次其子竊號羅氏鬼

王次子僕射又襲其號當僕射時有二別部一在姚州

之西北直長寧寧遠曰南一在姚州之北直納谿江安

曰東南嘗侵內地朝廷弗討羈縻之而已已而曰姚州

北部爲歸來州今永寧米利城是也後復曰歸來州賜

羅氏鬼王此羅氏鬼王國所由起也僕射之後羅氏不

能北有歸來州漸南侵蠻州得其西竟

卽水外六目也遂與貴

州接壤復據貴州宋元之間羅氏奄有貴姚郝健義祿
六州及蠻州西寬四十八所疊爲部長元至元廿五年
閏月貴州羅氏鬼王阿察內附已爲羅氏鬼國安撫使
十七年叛旋討降之十九年始置順元宣慰司其年九
月更貴州爲順元路置宣撫司已羅氏鬼王阿察爲宣
撫使二十六年八月金竹平置金竹府隸順元又置貴
州爲順元府郭州英宗後降順元宣撫司爲安撫司貴
州亦省金竹降爲長官隸八番至順元年復置順元宣
撫司貴州亦復置羅氏之有姚郝諸州者統號曰水西

部而蠻語曰亦奚不薛亦奚水也元初內附既又數叛

婁用兵至元十九年六月始定爲三路二十年七月置

宣慰司三路皆立官旋又并爲亦奚不薛路立總管府

呂其酋阿里爲總管二十九年三月始并亦奚不薛宣

慰司于順元順元在今貴陽貴筑亦奚不薛在今大定

後并二宣慰司爲一亦奚不薛路亦并于順元路改宣

撫司爲安撫司順元等路軍民安撫司領長官二十四

後又增置宣撫司總管府南寧諸番至元初其著者尙

有八族曰大程曰金石曰卧龍曰小龍曰大龍曰洪曰

方曰盧至元十六年三月與羅甸國內附皆曰爲安撫司因置八番羅甸宣慰司二十一年閏月罷諸番安撫司改置總管府而入番羅甸宣慰司亦罷十一月咸復立旋呂蠻叛皆廢二十六年二月咸復立二十九年三月始并八番羅甸宣慰司于順元俾八番順元宣慰司終元世仍之尤谿十八洞者居順元之迤南而東蓋唐宋之莊今鄉勳州及應愁邦逸南平諸州也至元二十一年四川行省參政曲立吉思討平之令定其地之可曰設官者大處爲州小處爲縣并立總管府聽順元路宣

慰司節制二十二季七月始定曲立吉思所平大小十
谿洞爲府州縣蓋都雲諸府州縣是也其所立總管蓋
偁九谿十八洞管番民總管二十八季置八番洞蠻宣
撫司九谿十八洞總管受領焉三十季省八番重設州
縣官英宗至治二季十一月改九谿十八洞總管爲八
番軍民安撫司改長官所二十八爲州縣天厯元季罷
八番宣撫司及安撫司合八番順元爲一路其置一總
管號管番民總管先是至元二十六季八月置金竹府
屬順元路三十九季九月置定遠府至大四季十一月

置乖西府皆屬八番宣撫司其後諸府州縣亦多所降

省改隸惟定遠府存故八番蠻夷官見于元史者凡安

撫司九羅番遏蠻軍程番武勝軍金石番大平軍卧龍

永盛軍方番河中長官三木瓜犵狓蠻夷軍民長官韋

府盧番靜海軍又管番民總管一領長官五十

長官一定府領州五桑州章龍州必化州縣十一朝宗

新安麻陝蠻蓬小羅章又管番民總管一領長官五十

龍烏山華山都雲羅博三麥新城莊州新安縣近側地也南宋時爲蠻所據蠻

州宋永高舉兵攻之克焉因令其子勝守之改曰新添

城告捷于朝朝廷嘉之先是宋氏世有蠻州州之北有

乖西地五代末爲蠻所據宋氏逐之有功朝廷命爲大
萬谷落總管大萬卽蠻之譌谷落卽州之譌也後又逐
烏蠻有貴州至是又克麥新故命永高爲貴州經略安
撫使總領牂柯及谿洞諸蠻別號新添爲遏蠻軍後宋
氏稍衰貴州復爲烏蠻羅氏所有復退居新添嚙緣朝
廷威命尙能控制誠允南渭保靖諸遠州元至元二十
八年十一月新添葛蠻宋安撫率洞蠻阿汾青貴貢方
物十二月始立葛蠻軍民安撫司于是始降于元蓋在
牂柯諸州中獨後服云葛蠻卽遏蠻之譌也成宗大德

元季五月給葛蠻安撫司驛券一葛蠻安撫司領長官
二百三十三順元治貴州有今貴陽貴筑開州修文龍
里八番治黔中道有今定番大塘羅斛廣順長柴葛蠻
治新添有今貴定龍里嚙亦多華離之地不可整言也
元末又升管番民總管所領之廬山長官金竹府長官
咸爲安撫司明洪武四季罷八番順元宣慰司都元帥
改置貴州衛改順元等路宣撫司爲貴州宣撫司同治
貴州城而順元安撫司順元路總管及埒郭貴州皆罷
衛及司咸隸四川改新添葛蠻安撫司爲新添長官司

今新添司在

貴定東北

五季正月置貴竹

元貴州等處長官隸順元今貴筑縣城是水

東

元水東長官隸順元今貴陽親轄地有水邊里在府

要云在府北三里者

龍里元龍里等柴長官隸管番民

蓋三十里之奪誤

龍里總管在龍里南五十里

底柴

元底柴等處長官隸順元今

養龍阮

元養龍阮宿

隸順元今養龍司屬貴陽府地寄修文縣北

苟佐元落

竟南距府一百九十里距修文一百十五里

青

山

佐等處長官隸順元今修文崇義里有札佐

青

山

城又有落邦鋪在修文城東南三十里是也

青

山

山

地等處長官隸順元即今修文信順

七長官司

里之九莊城南距修文城八十里

西中

曹二蠻夷長官司

元順元安撫司有雍真乖西葛蠻等

民總管有乖西軍民府綜計其地凡三雍真一也乖西

二也葛蠻三也明史地理志貴州宣慰司領乖西蠻夷

長官司元乖西軍民府改置方輿紀要乖西蠻夷長官司
司元雍真乖西葛蠻等處長官改置又貴陽府乖西廢
軍民府在府北百里地名大乖西元皇慶初置府案今
乖西正司在開州東北四十里乖西副司在開州西三
十里又開州西北七十里義里有礮枕柴即雍真也貴
筑北下里有葛馬柴南距城九十里西北接馬蹏關同
知衙即葛蠻也雍真乖西葛蠻等處即乖西正司也葛
蠻雍真等處即乖西副司也乖西軍民府即大乖西今
開州城東一里三台山苗民所謂開科龍場者是距府
一百二十里中曹蠻夷長官司元管番民總管所隸中
曹百納等處長官改置今案貴陽所轄有中曹正司舊
在府城南十二里後遂駐半坡柴在府城南七十里中
曹副司在城南四十里百納正司在城南六十里百納
副司駐趙司柴在城南六十三里四司所轄地同聚爲
一處合名四司里即元中曹百納等處長官地乾隆府
州廳志所云中曹長官北至府五十里者蓋明代遷迤
之所非新添水東乖西屬貴州衛餘咸屬貴州宣慰司
元舊也

水東乖西旋廢三月改程番武勝軍等六安撫司爲程

番

元程番武勝軍安撫司今程番司定方番元方番河

司今方番司在卧龍番元卧龍番南寧州安撫司今大

龍番

元大龍番應天府安撫司今大金石番元金石番

撫司今金石司在定番州西南三十里羅番元羅番過蠻軍安撫司今羅

長官司又置木瓜長官司元木瓜攸佬蠻夷軍民長官

十五里木瓜副司在皆屬貴州衛改金筑安撫司爲長

官司

今廣順州西門外有金筑邨一隸四川行省金筑

卽金竹也六季正月改小程番等五安撫司爲小程番

元小程番蠻夷軍民長官隸管番民總管後進
安撫使今小程番司在定番州東北十三里
盧番元

番靜海軍安撫司今盧番
洪番元洪番永盛軍安撫司
司在定番州東北四里
今洪番司在定番州西

南入小龍元小龍番靜蠻軍安撫司今小
盧山元盧山
里龍番司在定番州西南二十里
安撫司

舊為盧山等處長官隸管番民
總管在今定番州西七十里
五長官司皆隸貴州衛

小程番安撫司即八番安撫司也升貴州宣撫司為宣

慰司七季六月置麻嚮大華二長官司
今麻嚮司在定
番州西九十里

即唐宋之鄉州元大小化等處長官隸管番民總
管明改置大華司在今定番州西一百二十里
屬貴

州衛十四季正月升金筑長官司為安撫司十五季六

月置小平伐把平上馬橋韋番四長官司
元新添葛蠻
安撫司有平

伐等處長官司明改置平伐長官司又置小平伐長官司
大平伐長官司案今平伐司在貴定西南六十四里卽
元平伐司也今小平伐司在貴定西南三十里大平伐
司在貴定南五十里把平方輿紀要云元置屬順元安
撫司案把平司今在貴定南四十里元定遠府有上橋
縣明改置上馬橋長官司今上馬正司在定番州東北
十八里副司在州東北二十里大塘城分轄上馬橋司
大塘城北五十里于定番爲東方輿紀要云上馬橋司
在州西北二十里當卽東北二十里之誤元韋番蠻夷
長官司明置韋番長官司今韋番司在定番州南十里
咸屬貴州衛八月初置貴州都司治貴州城貴州衛隸
焉十九季十二月金筑安撫司改隸廣西置太平伐司
見上屬貴州衛二十二年置新添千戶所于新添長官司
屬貴州衛二十三年二月改新添千戶所爲衛隸貴州

都司四月置龍里衛于龍里長官司隸貴州都司二十
六季置貴州蔣衛隸貴州都司二十七季金筑安撫司
仍隸四川二十八季平伐把平大平伐小平伐四長官
咸改屬龍里衛二十九季四月升貴州龍里新添三衛
皆爲軍民指揮司金筑安撫司改屬貴州衛小平伐把
平二長官司改屬新添衛三十季置丹平丹行二長官
司元管番民總管有萬平等處長官有丹竹等處長官
明置丹平丹行二司蓋丹平卽萬平之聲轉丹行卽
丹竹之字譌丹竹又宋時蠻夷自號之丹州也南丹與
之相近而在南故曰南丹丹平在今大塘城東南百二
十里丹行在今大塘城東六十里方輿紀要引志云元
置丹平丹行二蠻夷長官司屬廣西南丹州後廢明洪

武三十季改置今司屬新添衛旋省永樂元季六月復置水東乖

西二長官司隸貴州都司後改屬新添衛二季復置丹

平丹行二長官司仍屬新添衛四季五月置白納長官

司元順元安撫司有茶山白納等處長官明屬貴州宣

慰司十一季十二月初置貴州布政司治貴州城貴州

宣慰司自四川改隸正統三季八月罷貴州軍民指揮

司仍爲貴州衛金筑安撫司直隸貴州布政司木瓜麻

嚮大華三長官司改屬焉程番小程番上馬橋盧番韋

番方番洪番卧龍番小龍番大龍番金石番羅番廬山

十三長官改屬貴州宣慰司成化十二季七月初置程
番府治程番司領金筑安撫司程番小程番上馬橋盧
番韋番方番洪番卧龍番小龍番大龍番金石番羅番
盧山木瓜麻嚮大華十六長官司隆慶二季六月迯程
番府于貴州布政司城三季三月改名貴陽府貴陽府
之名仿此萬厯十四季三月分貴陽地置定番州州屬
貴陽治故程番府領程番等長官司十六其金筑安撫
司仍屬貴陽府十九季二月罷貴竹長官司置新貴縣
自貴州宣慰司改屬于是貴陽始有圉郭縣省龍里衛

之平伐司入焉三十六年析新貴縣之故平伐司及定
番州地置貴定縣屬貴陽府二十九年升貴陽府爲軍
民府四十一年改金筑安撫司爲廣順州屬貴陽軍民府
天啟二年革貴州宣慰司崇禎三年改札佐長官司置
敷勇衛隸貴州都司改青山長官司爲千襄守禦千戶
所呂貴州衛衛故絕六屯地爲息壤守禦千戶所割底
柴長官司地呂益之又呂水西安氏水外地置濯靈修
文二守禦千戶所皆屬敷勇衛四年十一月呂貴州宣
慰同知宋氏陳湖十二馬頭地分置開州屬貴陽軍民

府已乖西蠻夷長官司屬焉宋氏舊領白納底柴養龍

阮三長官司中曹蠻夷長官司皆改屬貴陽軍民府又

宣慰司舊有剗授虎墜長官司

在貴陽府東六十里

至是宣慰司

革而長官仍舊不革亦屬貴陽軍民府革水東蠻夷長

官司已其地屬龍里衛又已龍里司及谷龍土巡檢司

元順元等路軍民安撫司有骨龍等處長官明貴州宣

慰使司有谷龍土巡檢司

在龍里北七十五里小谷 改屬龍里衛羊場司

在龍里縣東北

亦宣慰剗授長官至是亦因而弗革亦屬龍里衛改大

平伐司屬貴定丹平丹行屬都勻府 國朝順治十五

季四月貴陽始隸版圖康熙十季十月罷龍里衛置龍里縣二十六季罷貴州衛貴州將衛已其屯地置貴筑縣亦爲貴陽附郭縣罷敷勇衛及所屬于襄息逢濯靈修文四所改置修文縣并底柴長官司入焉縣屬貴陽府罷新添衛并其地于貴定縣徙貴定縣治新添衛城罷貴州都司改貴陽軍民府仍爲貴陽府三十六季省新貴縣入貴筑此貴陽三州四縣沿革之大略先是貴州諸府咸有親轄地蓋府轄土司之舊竟也康熙十一季巡撫曹申吉請已貴陽等七府親轄地歸附郭縣會

吳三桂作亂遂仍之雍正乾隆閒又令府州縣之佐貳
減分地已治乾隆四季迯貴陽同知駐長柴城割廣順
七枝定番一枝歸化一枝已爲竟乾隆三年築大塘城
于定番州東南姑盧柴旁設定番州判駐之割州屬盧
番韋番程番羅番卧龍番小龍番方番上馬橋八司遠
地及州屬上克度中克度通州降龍五里都勻府屬丹
平丹行二司治及附近大塘諸柴爲竟雍正五年七月
割廣西泗城府紅水江北上流長霸桑耶羅斛等十六
甲西隆州紅水江北羅煩開亨龍渣剝彌四甲巴結半

甲二十二柴置永豐州先是貴陽定番轄有董家旗尾
泗邨壘趙李屯坡哈柴金井柴打邨灞州柴朵萬柴羅
帕柴羅王邨凡十處插入泗城府江北者且百里至是
咸割焉于是永豐之地東西七百里南北三百里築城
于長灞朋亨羅斛設知州州同州判分治焉駐羅斛者
爲州判分羅斛九甲及桑郎半甲爲竟乾隆十五年羅
斛改屬定番此又貴陽定番三屬城沿革也諸長官司
自崇禎已後屢經黜削至于 本朝康雍之間名存實
去籍其土宇咸歸州縣管轄名號沿革殆無足數矣